



ADOLAT

IJTIMOIY-SIYOSIY GAZETA

info@adolatgzt.uz

www.adolatgzt.uz

www.adolat.uz

№ 15 (1236)

2019-yil 12-aprel, juma

ЎЗБЕКИСТОН ПРЕЗИДЕНТИ БИРЛАШГАН АРАБ АМИРЛИКЛАРИ ДЕЛЕГАЦИЯСINI ҚАБУЛ ҚИЛДИ

Ўзбекистон Республикаси Президенти Шавкат Мирзиёев 11 апрель куни Бирлашган Араб Амирликларининг ҳукумат ва келажак ишлари бўйича вазири Муҳаммад бин Абдуллоҳ ал-Қарқовий бошчилигидаги делегацияни қабул қилди.

Давлатимиз раҳбари мамлакатимизда бўлиб турган нуфузли делегацияни самимий қутлар экан, Ўзбекистон ва БАА ўртасидаги кўп қиррали муносабатлар изчил ривожланиб бораётганига юксак баҳо берди.

Жорий йил март ойида Абу-Даби ва Дубай шаҳарларида бўлиб ўтган олий даражадаги самарали учрашувлар мамлакатларимиз ўртасидаги шерикликни мустаҳкамлаш ва амалий ҳамкорликни кенгайтиришда янги босқични бошлаб бергани қайд этилди.

Ташриф якунида муҳим келишувларга эришилди, жумладан, иқтисодийнинг туризм тармоқларида умумий қиймати 10 миллиард доллардан зиёд истиқболли инвестиция лойиҳаларини амалга ошириш бўйича икки томонлама саломли ҳужжатлар тўплами имзоланди. Уларни тўлиқ амалга ошириш мақсадида мамлакатимизда тегишли "Йўл харитаси" қабул қилинди.

Қабул давомида давлат ташкилотлари, илмий марказлар, етакчи компания ва корхоналар, банк-молия институтлари даражасида фаол мулоқот ва алмашинувлари давом эттириш муҳимлиги таъкидланди.

Бирлашган Араб Амирликларининг давлат бошқаруви ва инновацион ривожланиш со-

ҳасидаги илғор тажрибасини жорий этишда ўзаро ҳамкорлик масалаларига алоҳида эътибор қаратилди.

Мамлакатларимиз экспертлари ҳамкорлигида устувор йўналишларда ўзаро алоқаларни йўлга қўйиш бўйича аниқ таклифлар тайёрлаш юзасидан келишувга эришилди.

Вазир самимий қабул учун давлатимиз раҳбари Шавкат Мирзиёевга миннатдорлик билдирди ҳамда БАА Президенти Шайх Халифа бин Зоид Ол Наҳаён, Абу-Даби Амирлиги валяҳди, БАА Қуролли Кучлари Олий бош қўмондонининг ўринбосари Шайх Муҳаммад бин Зоид Ол Наҳаён ва БАА Вице-президенти, Бош вазири, Дубай амирлиги ҳоқими Шайх Муҳаммад бин Рошид Ол Мақтумнинг саломини ва эзгу тилаklarини етказди.

Муҳаммад ал-Қарқовий Ўзбекистонда давлат ва жамият қурилиши соҳасида амалга оширилган кенг қўламли янгиланишлар, ижтимоий-иқтисодий ислохотларни юксак баҳолаб, Бирлашган Араб Амирликлари раҳбариятининг мамлакатларимиз ўртасидаги дўстлик ва шериклик муносабатларини изчил ривожлантириш борасидаги интилиши қатъий эканини таъкидлади.

ЎЗА

ШАВКАТ МИРЗИЁЕВ АҚШНИНГ АФҒОНИСТОНДАГИ ЯРАШИШ МАСАЛАЛАРИ БҲЙИЧА МАҲСУС ВАКИЛИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 11 апрель куни мамлакатимизда амалий ташриф билан бўлиб турган Америка Қўшма Штатларининг Афғонистондаги ярашиш масалалари бўйича маҳсус вакили Залмай Ҳалилзодини қабул қилди.

Давлатимиз раҳбари меҳмонни самимий қутлар экан, очик мулоқот ва ўзаро ишончга асосланган кўп қиррали Ўзбекистон – АҚШ ҳамкорлиги жадал ривожланаётганини алоҳида қайд этди.

Тури даражадаги фаол мулоқот, конструктив сиёсий ҳамкорлик, парламентларо изчил алоқалар, янги қўшма савдо ва инвестиция лойиҳалари, кенгайиб бораётган гуманитар алмашинув – буларнинг барчаси Ўзбекистон ва АҚШ стратегик шериклигида янги давр бошланганидан даролат беради.

Учрашувда мамлакатларимиз ўртасидаги муносабатларни янада кенгайтиришга доир, шунингдек, халқаро ва минтақавий аҳамиятга молик долзарб масалалар кўриб чиқилди. Афғонистондаги вазиятни ҳал этишда мамлакатларимиз ҳамкорлигининг ҳолати ва истиқболларига баҳо берилди.

Президентимиз Ўзбекистон Афғонистон билан анъанавий яхши қўшничилик муносабатларини ривожлантиришга муҳим аҳамият қаратаётгани, ушбу мамлакатда барқарорлик ўрнатилиши ва иқтисодий кайта тикланишига амалий хисса қўшиш тарафдори эканини таъкидлади.

Афғонистонда тинч сиёсий жараёни бошлашда афғон халқининг бош ролини назарда тутиш ҳолда халқаро ҳамжамият савий-ҳаракатларини самарали мувофиқлаштириш зарурлиги қайд этилди.

Залмай Ҳалилзоид самимий қабул учун Президентимиз Шавкат Мирзиёевга миннат-

дорлик билдирди ҳамда Америка Қўшма Штатлари Президенти Дональд Трамп ва Давлат котиби Майкл Помпеонинг саломини етказди.

Маҳсус вакил мамлакатимизнинг Афғонистон халқига ҳар томонлама, жумладан, муҳим ижтимоий ва инфратузилмавий лойиҳаларини амалга ошириш орқали ёрдам беришга қаратилган сиёсатини юксак баҳолади.

АҚШ Ўзбекистоннинг Афғонистонда тинчлик музокараларига қўмаклашиш борасидаги конструктив савий-ҳаракатларини, хусусан, Афғонистон ҳукумати вакиллари иштирокидаги мулоқотнинг навбатдаги даврасини Самарқанд шаҳрида ўтказиш тўғрисидаги ташаббусини қўллаб-қувватлаш таъкидланди.

Бундан ташқари, жорий йилда Тошкент шаҳрида Афғонистон бўйича сақизинчи Минтақавий иқтисодий ҳамкорлик конференцияси (RESCA VIII) вазирлар учрашувининг ўтказилиши қўшни давлатларга Афғонистоннинг тинч ривожланишига қўмаклашиш борасидаги ўзаро ҳамкорлик бўйича стратегияни ишлаб чиқиш имконини беради.

Учрашув якунида томонлар Ўзбекистон билан АҚШ ўртасидаги стратегик шериклик муносабатларини янада мустаҳкамлаш, минтақада тинчлик, барқарорлик ва изчил тараққиётни таъминлаш мақсадида Афғонистондаги вазиятнинг ҳал этиш масалаларида ўзаро ҳамкорликни кенгайтиришга тайёр эканини қайд этдилар.

ЎЗА



“Аҳмад ал-Фарғоний авлодлари”

Фарғона вилояти Олтиариқ туманида ташкил этилган нодавлат таълим муассасаси ана шундай номланди

Маълумки, 2017 йил 15 сентябрда Президентимизнинг “Нодавлат таълим хизматлари кўрсатиш фаолиятини янада ривожлантириш чора-тадбирлари тўғрисида”ги қарори қабул қилинганди. Мазкур қарор мамлакатимизда таълим тизими равангага қаратилган юксак эътибор самарасидир.

Юқоридagi қарор олтиариқлик тажрибали педагог Умида Мирзохидовага қанот бағишлади. Муқаддам тумандаги коллежалардан бирини бошқарган У.Мирзохидова

кўпдан буён вилоятлар марказлари ҳамда пойтахтимиздаги ихтисослашган муассасалардан кам бўлмаган мактаб ташкил қилишни орзу қилиб юрарди.

7-БЕТ

ЭЪТИБОР



Бўстонликлар кўнглини обод этган беш ташаббус



Ўз ҳисобидан ГАЗ БАЛЛОН ТЎЛДИРАЁТГАН БОҒЧА ОПАЛАР

Мактабгача таълим муассасаларида тўғри овқатланишни ташкил этиш долзарб масала бўлиб қолмоқда. Ўтган йили соҳада қатор ўзгаришлар амалга оширилди. Овқатланиш билан боғлиқ санитария қоидаси ва меъёрлари ўзгарди. Таомномага киритилган маҳсулотлар тури қисқарди. Бу борадаги ишлар Жомбой туманида қандай кечаётганлиги билан танишиш мақсадида, Ўзбекистон “Адолат” СДПнинг “Мактабгача таълим — кадрлар тайёрлашнинг бирламчи бўғини” лойиҳаси доирасида тумандаги мактабгача таълим муассасалари фаолиятини жамоатчилик назорати тартибиде ўрганиш, бу ўзгаришлар қандай самара бераётгани билан қизиқдик.

5-БЕТ

Давлатимиз раҳбари Шавкат Мирзиёев 19 март куни ёшларга эътиборни кучайтириш, уларни маданият, санъат, жисмоний тарбия ва спортга кенг жалб этиш, уларда ахборот технологияларидан фойдаланиш кўникмаларини шакллантириш, ёшлар ўртасида китобхонликни тарғиб қилиш, хотин-қизлар бандлигини ошириш масалаларига бағишланган видеоселектор йиғилишида ижтимоий, маънавий-маърифий соҳалардаги ишларни янги тизим асосида йўлга қўйиш бўйича 5 та муҳим ташаббусни илгари сурган эди.

3-БЕТ

ОЧИҒИНИ АЙТГАНДА...



Таом тайёрлашда суолтирилган газ муаммо бўлаётгани алоҳида масала. Ошпазлар суолтирилган газдан фойдаланишга мажбур бўлишмоқда. Кизиғи, уни ҳеч ким тўлдириб бермайди. Харажатлар сметасида бу ҳисобга олинмаган. Шундай бўлгач, боғча ходимлари чўнтагидан пул сарфлаб, газ баллонларини тўлдиришга мажбур бўлишмоқда.

4-БЕТ

ҚОЗОҒИСТОН ПРЕЗИДЕНТИНИНГ ЎЗБЕКИСТОНГА ДАВЛАТ ТАШРИФИГА ДОИР

Ўзбекистон Республикаси Президенти Шавкат Мирзиёевнинг таклифига биноан Қозоғистон Республикаси Президенти Қосим-Жомарт Тоқаев 2019 йил 14 апрель куни икки кунлик давлат ташрифи билан мамлакатимизга келади.

Давлат раҳбарлари Қосим-Жомарт Тоқаевнинг Қозоғистон Президенти лавозимига киришигидан сўнг илк бор учрашадилар.

Тор ва кенгайтирилган таркибда ўтказилиши режалаштирилган музокараларда икки томонлама дўстлик, яхши қўшничилик ва стратегик шериклик муносабатларини янада кенгайтириш истиқболлари муҳокама қилинади, сиёсат, савдо-иқтисодиёт, инвестициялар, транспорт-коммуникация, маданий-гуманитар ва бошқа соҳаларда ўзаро ҳамкорликнинг устувор йўналишлари кўриб чиқилади.

Президентлар минтақавий ҳамкорликни мустаҳкамлаш ҳамда халқаро аҳамиятга молик муҳим масалалар юзасидан фикр алмашади.

Давлат раҳбарларининг Қўшма баёноти қабул қилиниши, шунингдек, мамлакатларимиз ўртасидаги кўп қиррали муносабатларни ривожлантиришга қаратилган икки томонлама ҳужжатлар тўплами имзоланиши кўзда тутилган.

Президентлар қўшни қардош мамлакатда муваффақиятли якунига етган Ўзбекистон йиллигининг маънавий давоми бўладиган Ўзбекистонда Қозоғистон йиллигининг расмий очилиш маросимида ҳам иштирок этишди. Мазкур йил тадбирлари Қозоғистон санъат усталарининг концерти билан бошланади.

ЎЗА

ДЕПУТАТ СЎРОВИ — ХАЛҚ СЎРОВИ

Миришкор туманида Вазирлар Маҳкамаси қарори негa ижросиз қолмоқда?

Аввал хабар берганимиздек, Қонунчилик палатаси депутатларининг жорий йил 27-30 март кунлари ҳудудларда сайловчилар билан учрашувлари бўлиб ўтди. Ушбу жараёнларда бир қатор муаммоли масалалар аниқланган эди.

Хусусан, Олий Мажлис Қонунчилик палатасидаги Ўзбекистон “Адолат” СДП фракцияси аъзоси Жамшид Пирматов томонидан Миришкор туманида олиб борилган ўрганишлар давомида Вазирлар Маҳкамаси томонидан 2018 йил 29 октябрда қабул қилинган “2018-2019 йилларда Қашқадарё вилоятининг Миришкор туманини комплекс ривожлантириш чора-тадбирлари дастури тўғрисида” ги қарорнинг айрим бандлари ўз вақтида бажарилмаётганлиги маълум бўлди.

3-БЕТ

Сўровларга эътиборсизлик қилаётган мансабдорлар жазоланиши шарт

Бугунги кунда Олий Мажлиснинг ва ҳудудларда халқ депутатлари маҳаллий Кенгашларининг давлат бошқаруви органлари фаолияти устидан самарали парламент назоратини амалга ошириш, қабул қилинган қонунлар, муҳим ижтимоий-сиёсий, иқтисодий аҳамиятга эга давлат дастурларининг ижросини сўзсиз таъминлашга қаратилган ишлар сезиларли даражада фаоллашмоқда.

Айниқса, маҳаллий Кенгашларда депутатлар маҳаллий бюджетни тасдиқлаш, унинг ижросини назорат қилишдан тортиб, ҳудуддаги энг долзарб масалаларни бевосита маҳаллий Кенгашлар сессияларида кўриб чиқиш, ҳал этмоқда. Шу билан бирга, сессияларда маҳаллий давлат ҳокимияти органлари раҳбарлари, ички ишлар, соғлиқни сақлаш, таълим каби муҳим соҳа раҳбарларининг ҳисоботларини доимий равишда эшитиш амалиёти кенг йўлга қўйилди. Буларнинг барчаси депутатлик корпусининг фаолиятини тубдан ўзгартириб, қонунчиликда белгиланган ваколатлардан унумли фойдаланиш самарадорлигини оширмоқда.

4-БЕТ

Ўзбекистон Республикаси Президентининг
ФАРМОНИ**2019-2021 ЙИЛЛАРДА РЕСПУБЛИКАНИНГ
ФАРМАЦЕВТИКА ТАРМОГИНИ ЯНАДА ЖАДАЛ
РИВОЖЛАНТИРИШ ЧОРА-ТАДБИРЛАРИ ТЎҒРИСИДА**

Кейинги йилларда республикада аҳолини дори воситалари, тиббиёт буюмлари ва тиббий техника (кейинги ўринларда – фармацевтика маҳсулотлари) билан таъминлаш тизимини такомиллаштириш бўйича комплекс чора-тадбирлар амалга оширилди, маҳаллий фармацевтика тармогини ривожлантириш учун қўлай шарт-шароитлар яратилди.

Шу билан бирга, ишлаб чиқариш қувватлари етарли даражада эмаслиги ҳамда маҳаллий фармацевтика маҳсулотларининг тор ассортименти ички бозор эҳтиёжларини қондирамайти ва импортга ҳаддан ташқари босқинчи қилишга сабаб бўлмоқда.

Маҳаллий корхоналарда халқаро стандартларни татбиқ этиш бўйича ишларнинг суи таъминоти яратилиши ташқи бозорларда рақобатбардош фармацевтика маҳсулотларини ишлаб чиқариш имкониятларини ва тармоқнинг экспорт салоҳиятини чекламоқда.

Фармацевтика тармогини жадал ривожлантириш, хорижий инвестицияларни ҳамда етакчи хорижий компанияларни инвестиция лойиҳаларини амалга оширишга жалб қилиш, инновацион фармацевтика маҳсулотларини яратишни рағбатлантириш, маҳаллий ишлаб чиқарувчиларнинг ишлаб чиқариш ҳажмлари ва экспорт салоҳиятини кенгайтириш мақсадида:

1. Ўзбекистон Республикаси Соғлиқни сақлаш вазирлиги, Иқтисодиёт ва sanoat вазирлигининг;

Ўзбекистон Республикаси Соғлиқни сақлаш вазирлиги тузилмасига Ўзбекистон Республикаси Соғлиқни сақлаш вазирлиги хузуридаги Фармацевтика тармогини ривожлантириш агентлигининг "O'zmedimpex" Давлат унитар корхонасини ўтказиш;

Ўзбекистон Республикаси Соғлиқни сақлаш вазирлиги хузуридаги Фармацевтика тармогини ривожлантириш агентлиги (кейинги ўринларда – Агентлик) Соғлиқни сақлаш вазирлигининг дори воситалари ва тиббиёт буюмларини ишлаб чиқариш, тайёрлаш ва уларнинг улгурчи савдоси устидан назоратни амалга ошириш, шунингдек, фармацевтика фаолиятини лицензиялаш бўйича функцияларини бериш тўғрисидаги таклифларига розилик берилсин.

Белгилансинки, Ўзбекистон Республикаси Соғлиқни сақлаш вазирлиги томонидан фармацевтика фаолиятини амалга ошириш ҳуқуқи учун аввал берилган лицензиялар амал қилиш муддати тугагунга қадар амалда бўлади.

2. Агентликнинг асосий вазифалари этиб қўйилган белгилансин:

Фармацевтика тармогини, жумладан, уни давлат томонидан қўллаб-қувватлашнинг замонавий механизmlарини жорий этиш йўли билан барқарор ривожлантириш стратегиясини ишлаб чиқиш ва амалга ошириш;

Фармацевтика бозори конъюктурасини ўрганишни ташкиллаштириш, аҳоли ва соғлиқни сақлаш муассасаларининг фармацевтика маҳсулотлари билан таъминланганлик ҳолатини тизимли таҳлил қилиш ва унинг асосида ички бозорни янада тўлдирish ва ишлаб чиқаришни маҳаллийлаштириш бўйича таклифларни ишлаб чиқиш;

тармоқ корхоналарига етакчи хорижий фармацевтика корхоналари билан ҳамкорликни йўлга қўйишда, фармацевтика маҳсулотларининг ички ва ташқи бозорларда рақобатбардош, юқори сифатли янги турларини ишлаб чиқаришни ўзлаштиришда қўмаклашиш;

Фармацевтика тармогини, шу жумладан, фармацевтика маҳсулотларини давлат рўйхатидан ўтказиш, стандартлаштириш, сертификатлаштириш, техник жиҳатдан тартибга солиш, шунингдек, фармацевтика фаолиятини лицензиялаш (дори воситалари ва тиббиёт буюмларини чакана сотиш бундан мустасно) йўли билан давлат томонидан бошқариш;

фармацевтика тармоғига илғор хорижий амалиёт ва халқаро стандартларни татбиқ этиш бўйича ишларни мувофиқлаштириш;

Импорт қилинаётган ва республика ҳудудида ишлаб чиқарилаётган фармацевтика маҳсулотлари тўғрисида тўлиқ ахборот йиғишни таъминловчи Фарма-

цевтика маҳсулотлари ҳаракатини назорат қилиш ва ҳисобга олиш ахборот тизимини жорий қилишда иштирок этиш.

3. Шундай тартиб ўрнатилсинки, унга мувофиқ:

импорт қилишда Ўзбекистон Республикаси Соғлиқ кодексининг 211-моддаси 6-бандида назарда тутилган қўшилган қиймат солиғи бўйича имтиёз жорий этилмайдиган дори воситалари ва тиббиёт буюмлари рўйхатини Агентлик томонидан шакллантирилади ва Ўзбекистон Республикаси Вазирлар Маҳкамаси томонидан белгиланган тартибда тасдиқланади. Бунда мазкур рўйхатга киритилган дори воситалари ва тиббиёт буюмлари номлари тайёр маҳсулотга ҳам, "in bulk" маҳсулот шаклида импорт қилинадиган дори воситалари ва тиббиёт буюмларига ҳам жорий этилади;

дори воситалари ва тиббиёт буюмларини sanoatда ишлаб чиқариш ва дорихонада тайёрлаш учун мўлжалланган, импорт қилишда қўшилган қиймат солиғидан озод қилинадиган хом ашёлар рўйхатини Агентлик томонидан белгиланган тартибда шакллантирилади ва тасдиқланади, шунингдек, бир йилда камида икки марта янгиланган бўлиши ва Агентлик ҳамда Ўзбекистон Республикаси Давлат божхона қўмитасининг расмий веб-сайтларига жойлаштирилиши шарт;

Ўзбекистон Республикаси Вазирлар Маҳкамаси хузуридаги Тадбиркорлик фаолиятини ривожлантиришни қўллаб-қувватлаш давлат жамғармаси дори воситалари ва тиббиёт буюмлари миқдорини ишлаб чиқарувчиларига тижорат банкларини кредитлари бўйича кредит суммасининг 50 фоизгача, ammo 10 миллиард сўмдан ошмайдиган миқдордаги маблағга кафиликл беради;

"in bulk" маҳсулотини асосида ишлаб чиқариладиган дори препаратлари ва (ёки) тиббиёт буюмларини давлат рўйхатидан ўтказиш муддатини узайтириш, шунингдек, уларни қайта давлат рўйхатидан ўтказиш мазкур аналогик миллий маҳсулотни ички бозор эҳтиёжини таъминлайдиган ҳажмда ишлаб чиқарувчи бўлмаган тақдирда амалга оширилади;

2019 йил 1 июлдан 2020 йил 31 декабрга қадар, синов тарихида, дори препаратлари ва тиббиёт буюмларини давлат томонидан харид қилишни амалга оширишда икки ва undan ортик иштирокчилар – аналогик маҳсулотни (халқаро патентланмаган номи бўйича) миллий ишлаб чиқарувчилари мавжуд бўлган тақдирда давлат буюртмачисини импорт дори препаратлари ва тиббиёт буюмларини етказиб бериш таклифи мавжуд барча буюртмаларни рад этади;

2019 йил 1 июлдан бошлаб импорт дори воситалари (дори субстанциялари бундан мустасно) ва тиббиёт буюмларини "эркин муомалага чиқариш (импорт)" божхона режимига расмийлаштиришда божхона қийматининг 1,2 фоизи миқдорда божхона расмийлаштируви учун йўғим ундирилади.

4. Белгилансинки, 2022 йилнинг 1 январига қадар:

фармацевтика маҳсулотларининг клиник-олди тадқиқотларини амалга оширувчи барча лабораториялар Зарур лаборатория амалиёти (GLP) миллий талабларига мувофиқ мажбурий сертификатлаштирилиши лозим;

Ўзбекистон Республикаси Соғлиқни сақлаш вазирлигининг клиник тадқиқотлар ўтказувчи барча клиник базалари Зарур клиника амалиёти (GCP) миллий талабларига мувофиқ мажбурий сертификатлаштирилиши лозим;

фармацевтика маҳсулотларини ишлаб чиқарувчи барча маҳаллий корхоналар Зарур ишлаб чиқариш амалиёти (GMP) миллий талабларига мувофиқ мажбурий сертификатлаштирилиши лозим;

фармацевтика маҳсулотларини улгурчи сотиш билан шуғулланувчи барча маҳаллий корхоналар Зарур дистрибуторлик амалиёти (GDP) миллий талабларига мувофиқ мажбурий сертификатлаштирилиши зарур.

Соғлиқни сақлаш вазирлиги, Агентлик манфаатдор вазирлик ва идоралар билан биргаликда 2019 йил 1 июнга қадар фармацевтика тармоғи ва республика соғлиқни сақлаш тизимига зарур амалиётлар (GxP) талабларини жо-

рий этиш тармоқ жадвалини Ўзбекистон Республикаси Вазирлар Маҳкамасига киритсин.

5. 2019-2021 йилларда республиканин фармацевтика тармогини жадал ривожлантириш бўйича «Йўл харитаси» (кейинги ўринларда – «Йўл харитаси») 1-иловага мувофиқ тасдиқлансин.

Масъул вазирлик ва идораларнинг раҳбарларига «Йўл харитаси» да кўзда тутилган чора-тадбирларни ўз вақтида тўлиқ ва сифатли амалга ошириш юзасидан шахсий жавобгарлик юклансин.

6. Қўйидагилар «Йўл харитаси» да кўзда тутилган объекларни қуриш ва реконструкция қилиш, илмий-тадқиқот ва синов лабораторияларининг моддий-техник базасини мустаҳкамлашнинг молиялаштириш манбалари этиб белгилансин:

2019 йилда – Агентликка Инновацион ривожланиш ва новаторлик голяларини қўллаб-қувватлаш жамғармасининг ижро этувчи дирекцияси томонидан тақдим этилган буюртмалар асосида Ўзбекистон Республикаси Молия вазирлиги билан келишилган ҳолда ажратилган Инновацион ривожланиш ва новаторлик голяларини қўллаб-қувватлаш жамғармасининг 2019 йил 1 январь ҳолатига мавжуд валюта маблағлари қолдиги;

2020-2023 йилларда – Ўзбекистон Республикаси Инвестиция дастурини тегишли йил учун амалга оширишда Ўзбекистон Республикаси Давлат бюджетдан ажратиладиган маблағлар, лаборатория ва ишлаб чиқариш асбоб-қўраларини харид қилиш учун эса Инновацион ривожланиш ва новаторлик голяларини қўллаб-қувватлаш жамғармасининг ўзлаштирилмаган маблағлари, улар етишмаган тақдирда, Ўзбекистон Республикаси Давлат бюджети маблағлари.

7. Агентлик қошида юридик шахс ташкил этмаган ҳолда, **Фармацевтика тармогини қўллаб-қувватлаш ва ривожлантириш жамғармаси** (кейинги ўринларда – Жамғарма) ташкил этилсин ва қўйидагилар уни шакллантириш манбалари этиб белгилансин:

импорт дори воситалари (дори субстанциялари бундан мустасно) ва тиббиёт буюмларини "эркин муомалага чиқариш (импорт)" божхона режимига расмийлаштиришда божхона расмийлаштируви учун йўғимнинг 1,0 фоизи;

Ўзбекистон Республикаси Тикланиш ва тараққиёт жамғармаси ҳисобидан ажратиладиган эквиваленти 25 миллион АҚШ долларидеги миллий валютадаги маблағлар;

халқаро молиявий институтлар ҳамда бошқа хорижий донорлар, шунингдек, қонун ҳужжатларида тақиқланмаган қўшун ҳужжатларида тақиқланмаган бошқа манбалар.

8. Белгилансинки, Жамғарма маблағлари қўйидаги мақсадларга ишлатилади:

фармацевтика маҳсулотларининг янги турларини яратиш бўйича илмий ишланмаларни ташкиллаштириш учун Агентлик қошидаги илмий-тадқиқот институтлари ва маҳаллий ишлаб чиқарувчиларга грантлар тақдим этиш;

Агентлик қошидаги илмий-тадқиқот институтлари ва фармацевтика маҳсулотларининг сифат назоратини амалга оширувчи давлат лабораторияларини зарур асбоб-ускуна ва техника билан жиҳозлаш;

республикада ишлаб чиқарилмайдиган фармацевтика маҳсулотларини янги турларининг клиник-олди ва клиник тадқиқотларини маҳаллий муассасаларда ўтказиш учун маҳаллий ишлаб чиқариш корхоналарининг сарф-харажатларини энг кам ойлик иш ҳақининг 100 баравари миқдорда қоплаш;

маҳаллий ишлаб чиқариш корхоналарининг фармацевтика маҳсулотларини хорижий давлатларда рўйхатдан ўтказиш харажатларининг 50 фоизини, улар рўйхатдан ўтказилганини тасдиқловчи ҳужжат тақдим этилгандан сўн қоплаш;

маҳаллий фармацевтика маҳсулотларини илгари суриш бўйича, шу жумладан, хорижда ўтказиладиган кўргазма ва ярмаркалар ташкил қилиш, семинарлар ўтказиш, тақдимот материаллари, кўргазма стендларини тайёрлаш, Агентлик ва унга идоравий мансуб ташиқлотлар мутахассисларининг мазкур тадбирларда иштирок этиши;

Агентликнинг моддий-техник базаси-

ни мустаҳкамлаш, унинг ишчилари ва жалб этиладиган мутахассисларни моддий рағбатлантириш, шунингдек, Агентлик ходимларини тайёрлаш, қайта тайёрлаш ва малакасини ошириш;

маҳаллий ишлаб чиқарувчилар томонидан мамлакатимизда аввал ишлаб чиқарилмаган дори воситалари ва тиббиёт буюмларини ишлаб чиқариш бўйича лойиҳаларни амалга ошириш учун жалб этиладиган эквиваленти 1 миллион АҚШ долларидан ошмаган кредитларнинг фоизлар бўйича харажатларини икки йил мобайнида қоплаш;

қонун ҳужжатларида тақиқланмаган Агентлик фаолияти билан боғлиқ бошқа чора-тадбирлар.

Белгилансинки, Жамғарманин харажатлар сметаси Агентлик томонидан Ўзбекистон Республикаси Молия вазирлиги билан келишилган ҳолда тасдиқланади.

9. Ўзбекистон Республикаси Тикланиш ва тараққиёт жамғармаси бир ой муддатда Ўзбекистон Республикаси Президентининг 2017 йил 6 январьдаги "Озиқ-овқат, чарм-пойабзал ва фармацевтика sanoatда инвестиция лойиҳаларини молиялаштириш манбаларини кенгайтириш чора-тадбирлари тўғрисида"ги ПҚ-2718-сон қарорига мувофиқ очилган кредит линияси маблағлари ҳисобидан тегишчанча Ўзбекистон Республикаси Вазирлар Маҳкамаси хузуридаги Тадбиркорлик фаолиятини ривожлантиришни қўллаб-қувватлаш давлат жамғармаси ва Фармацевтика тармоғини қўллаб-қувватлаш ва ривожлантириш жамғармасига 25 миллион АҚШ доллардан ажратсин.

10. Фармацевтика маҳсулотлари ишлаб чиқарувчилари, ихтисослашган илмий-тадқиқот институтлари ва олий таълим муассасалари томонидан ўз эҳтиёжлари учун олиб келинадиган ҳамда фармацевтика маҳсулотларининг улгурчи ва чакана савдоси билан шуғулланувчи корхоналар томонидан аптека ичида дори тайёрлаш мақсадида олиб кириладиган, Ўзбекистон Республикасида ишлаб чиқарилмайдиган технология ва лаборатория усуналари, уларнинг бутловчи ва эҳтиёт қисмлари, фармацевтика ишлаб чиқариш биология учун "тоза хоналар", сэндиш-панеллар ва вентиляция тизимлари, шунингдек, лаборатория ҳайвонларини боқиш, клиник-олди тадқиқотлар ва дори воситалари ишлаб чиқариш (шу жумладан, аптека ичида тайёрлаш) учун ишлатиладиган хом ашё ва материаллар, тиббиёт буюмлари ва қадоклаш материалларини Ўзбекистон Республикаси Вазирлар Маҳкамаси томонидан тасдиқланадиган рўйхатлар бўйича 2022 йил 1 январга қадар божхона тўловларидан (божхона расмийлаштириш йўғимларидан ташқари) озод қилинсин.

11. 2019-2021 йилларда республика ҳудудида ишлаб чиқаришни маҳаллийлаштириш тавсия этилган дори воситалари гуруҳлари рўйхати (кейинги ўринларда – Рўйхат) 2-иловага мувофиқ тасдиқлансин.

Ўзбекистон Республикаси Инвестициялар ва ташқи савдо вазирлиги ҳамда Агентлик 2019 йил 1 августга қадар:

Рўйхатга киритилган импорт қилинадиган дори воситалари гуруҳларини маҳаллийлаштириш бўйича инвестиция лойиҳаларининг рўйхатини уларни амалга оширишнинг аниқ муддатлари, молиялаштириш манбалари ва ташаббускорларини белгиланган ҳолда шакллантирсин;

Рўйхатга киритилган лойиҳаларни амалга ошириш учун хорижий инвестицияларни, шу жумладан, Тўғридан-тўғри инвестициялар жамғармаси иштирокчиларига жалб қилиш ва зарур бўлганда, фармацевтика эркин иқтисодий зоналарда жойлаштириш чораларини кўрсин.

12. Ўзбекистон Республикаси Бош вазирининг ўринбосарлари Э.М.Ғаниев ва А.А.Абдуҳақимов манфаатдор вазирлик ва идоралар билан биргаликда икки ой муддатда:

республикада талаб юқори бўлган фармацевтика маҳсулотларини ишлаб чиқаришни ташкил этиш учун барқарор

обруға эга етакчи фармацевтика компанияларни;

фармацевтика маҳсулотлари ишлаб чиқарувчиларини узоқ муддатли молиявий ресурслар билан таъминлаш мақсадида халқаро молия институтлари ва хорижий ҳукумат молия ташкилотларининг узоқ муддатли имтиёз кредит линияларини жалб қилиш бўйича таклифлар киритсин.

13. Ўзбекистон Республикаси Вазирлар Маҳкамаси 2019 йил 1 июнга қадар: Ўзбекистон Республикаси Соғлиқни сақлаш вазирлиги хузуридаги Фармацевтика тармоғини ривожлантириш агентлигини ва фармацевтика фаолиятини лицензиялаш тўғрисидаги низомлар, шунингдек, Агентлик ва унинг ҳудудий бўлиmlарининг ташкилий-штат тузилмаси ушбу Фармон билан белгиланган вазифаларни инобатга олган ҳолда қайта кўриб чиқилишни таъминласин;

Ўзбекистон Республикаси Соғлиқни сақлаш вазирлиги хузуридаги Фармацевтика тармоғини ривожлантириш агентлигининг Фармацевтика тармоғини қўллаб-қувватлаш ва ривожлантириш жамғармаси тўғрисидаги низомни тасдиқласин;

фармацевтика тармоғини ривожлантиришнинг аниқ кўрсаткичлари ва мақсадли индикаторларига эришишга асосланган бутунлай янги баҳолаш тизимини жорий этишни кўзда тутган ҳолда Агентлик фаолиятининг самарадорлигини баҳолаш мезонлари тасдиқлансин.

14. Ўзбекистон Республикаси Молия вазирлиги асосланган ҳисоб-китобларга кўра Ўзбекистон Республикаси Давлат бюджетни параметрлари доирасида 2019 йилда мазкур Фармонни амалга ошириш доирасида Агентлик харажатлари учун маблағлар ажратсин ҳамда 2020 йилдан бошлаб ҳар йили зарур бюджет маблағларини кўзда тutsин.

15. Ўзбекистон Республикаси Давлат активларини бошқариш агентлиги ва Тошкент шаҳар ҳокимлиги Агентликнинг маъмурий биносини таъмирлаш даврида Агентликни давлат тасарруфидаги бўш турган объектларга вақтинчалик жойлаштиришга қўмаклашсин.

16. Ўзбекистон Республикаси Соғлиқни сақлаш вазирлиги:

Олий ва ўрта махсус таълим вазирлиги, Ташқи ишлар вазирлиги, Агентлик билан биргаликда уч ой муддатда республикада фармацевтика тармоғи мутахассисларини тайёрлаш бўйича етакчи хорижий олий ўқув юрти филиалини ташкил этиш бўйича Ўзбекистон Республикаси Вазирлар Маҳкамасига таклиф киритсин;

Агентлик ва бошқа манфаатдор идоралар билан биргаликда икки ой муддатда Ўзбекистон Республикаси Соғлиқни сақлаш вазирлиги ва Агентликнинг расмий сайтларида 2017-2018 йилларда ва кейинги йилларда фармацевтика маҳсулотларининг давлат харидлари тўғрисидаги маълумотни органлар, ташкилотлар, маҳсулотларнинг номлашиши ва натурада ифодаланган ҳажмлари кесимида жойлаштирилишни таъминласин;

икки ой муддатда Ўзбекистон Республикаси Соғлиқни сақлаш вазирлигининг барча клиник базаларида клиник тадқиқотлар ўтказиш жараёнларини ташкил этишнинг шаффоф механизминини, шунингдек, кўрсатиладиган хизматлар нархини белгилаш ва клиник тадқиқотлар ўтказишнинг ҳар бир босқичида томонларнинг жавобгарлик доирасини назарда тутувчи тартибни тасдиқласин.

17. Ўзбекистон Республикаси Президентининг айрим ҳужжатларига 3-иловага мувофиқ ўзгартириш ва қўшимчалар киритилсин.

18. Соғлиқни сақлаш вазирлиги Агентлик ва бошқа идоралар билан биргаликда икки ой муддатда қонун ҳужжатларига ушбу Фармондан келиб чиқадиган ўзгартириш ва қўшимчалар тўғрисида Ўзбекистон Республикаси Вазирлар Маҳкамасига таклифларни киритсин.

19. Мазкур Фармоннинг ижросини назорат қилиш Ўзбекистон Республикаси Бош вазирининг ўринбосарлари А.А.Абдуҳақимов, Э.М.Ғаниев ва Ўзбекистон Республикаси Президенти маслаҳатчиси ўринбосари Г.К.Саидова зиммасига юклансин.

Ўзбекистон Республикаси Президенти Шавкат Мирзиёев 11 апрель кунни Бирлашган Араб Амирликларининг ҳукумат ва келажақ ишлари бўйича вазири Муҳаммад бин Абдуллоҳ ал-Қарқовий бошчилигидаги делегацияни қабул қилди.

Муҳаммад бин Абдуллоҳ ал-ҚАРҚОВИЙ учрашувдан сўнг ЎЗА мухбирига интервью берди:

**МУҲАММАД БИН
АБДУЛЛОҲ
АЛ-ҚАРҚОВИЙ:
ЎЗБЕКИСТОН ИСЛОМ
ОЛАМИГА КЎП
НАРСАЛАРНИ
ТАҚДИМ ҚИЛГАН**

— Аввало, вақт ажратиб, бизни қабул қилгани учун Ўзбекистон Республикаси Президенти Шавкат Мирзиёевга самимий миннатдорлик билдирамиз.

Бугунги учрашув жуда самарали бўлди. Ўзбекистон ислом олами, дунё илм-фани ривожига кўп нарсаларни тақдим қилган. Жаноб Президент Ўзбекистон келажақи учун катта ишларни амалга ошираётгани, Ўтган икки йилда мамлакатингизда бўлаётган бунёдкорлик ва ўзгаришлардан оммавий ахборот воситалари орқали хабардоримиз. Президент Шавкат Мирзиёевнинг яқинда БААга амалга оширган ташрифи мамлакатларимиз муносабатларида тарихий саҳифа очди. Ўзаро ҳамкорлик ва халқларимиз ўртасидаги дўстлик янада мустаҳкамланишидан манфаатдоримиз.

10-11 апрель кунлари Ўзбекистон Республикаси ва Бирлашган Араб Амирликлари ҳукуматлари делегациялари ўртасида йиғилиш бўлиб ўтди. Унда турли соҳаларда ҳамкорликни янада ривожлантириш бўйича фикр алмашиб олдик.

Асосий мақсадимиз ҳукуматлараро алоқаларни янада ривожлантириш. Бирлашган Араб Амирликларининг давлат бошқаруви тизимида эришган ютуқларини Ўзбекистонда татбиқ этишга қўмаклашишни ниятдаимиз.

**ЎЗА мухбири
Зиёдулла ЖОНИБЕКОВ
ёзиб олди.**

«BANKEXPO-2019»

«Ўзэксномарказ» миллий кўргазмалар мажмуасида «BankExpo-2019» миллий кўргазмаси очилди.

Ўзбекистон Банклари ассоциацияси томонидан ташкил этилган кўргазмада мамлакатимизда фаолият юритаётган банклар ўзининг банк хизматлари акс этган стендлари, тарқатма материаллари, буклет ва флаерлари, маҳаллий мутахассислари билан иштирок этмоқда.

Ўзбекистон Банклари ассоциацияси раиси Бахтёр Ҳамидов ва бошқалар мамлакатимизда банк-молия соҳасини самарали ривожлантириш чет эл инвестицияларини жалб этиш учун қўлай шарт-шароитлар яратиш билан бир қаторда давлат иқтисодиёти ўсишининг асосий омилли эканини таъкидлади.

Ириқ хорижий инвестицияларни жалб этиш Ўзбекистон иқтисодиёти барқарор ўсишининг муҳим шартларидан. Айниқса, бу жараёнда замонавий технологияларни жорий этиш ва хорижий молия институтлари тажрибасини ўрганиш ўта муҳимдир. «BankExpo-2019» кўргазмаси бу борада амалий аҳамият касб этиб, унда маҳаллий ва хорижий молия институтлари ва ишбилармонлик сектори вакиллари ўртасида самарали ҳамкорлик ўрнатиш ва профессионал худуд яратилади.

Кўргазма доирасида маҳаллий ва халқаро молиявий муассасалар вакиллари иштирокида ўтказилган конференция ва матбуот анжуманида мамлакатимизга инвестиция жалб этиш, ўзаро ҳамкорлик истиқболлари қаби бир қатор масалалар юзасидан фикр алмашилди.

ЎЗ МУХБИРИМИЗ

**Ўзбекистон Республикаси
Президенти**
Тошкент шаҳри,
2019 йил 10 апрель

Ш.МИРЗИЁЕВ

Давоми.
Бошланғичи 1-бетда


Мазкур ташаббусларни амалиётга жорий қилишга қаратилган ишлар мамлакатимизнинг барча туман ва шаҳарларида бошлаб юборилди. Жумладан, Тошкент вилояти Бўка туманида ҳашар, маданий-маърифий тадбирлар, китоб ярмаркаси ва спорт мусобақалари ўтказилди.

Тадбирда Ўзбекистон Республикаси Президенти маслаҳатчисининг биринчи ўринбосарлари У.Мухаммадиев, Қ.Куронбоев, Президент маслаҳатчиси ўринбосари Ф.Маҳмудов, давлат ва жамоат ташкилотлари вакиллари, шоир-ёзувчилар, ёшлар иштирок этди.

Ёшларнинг вақтини маъмули ўтказиш учун маданий тадбирлар, компьютер саводхонлиги ва интернет марказлари, спорт тўғрисидаги китоб дўконлари, "Book safe"лар ташкил этиши, кутубхоналар фондиди янгиланган, уй бекаларини тикув цехларига жалб қилиш каби вазифаларни сифатли амалга ошириш, бу борадаги концепция ва таклиф этилаётган ҳар бир лойиҳани амалиётда самарали қўллаш мақсадида Бўка тумани таж-



Бўстонликлар кўнгилни обод этган беш ташаббус



ЎЗА фотолари

риба-синов тарихида танлаб олинди. Айни пайтда бу ерда кенг кўламли ишлар олиб борилмоқда.

Шу мақсадда туманда амалга оширилиши лозим бўлган ишлар кўлами ва молиялаштириш манбалари аниқланиб, Бўстон, Ровот, Чавалисой ва Янгиқўрғон маҳаллаларида улкан бунёдкорлик ишлари бошлаб юборилди.

Таъкидланганидек, туманда ёшлар билан ишлаш борасида бир қатор камчиликлар мавжуд. "Болаликнинг буй вақти — душманнинг иш вақти",

деб бежиз айтилмаган. Президентимизнинг ташаббусларини тизимли ва самарали амалга оширишда барчамиз бир ёқадан бош чиқариб ҳаракат қилишимиз, ёш йигит-қизларимизнинг китоб ўқишга, спортга, санъатга бўлган қизиқишларини қўллаб-қувватлашимиз, уларга етарли шарт-шароитларни яратиб беришимиз даркор. Чунки китоб ўқиган, санъатга ошно ёшларимизнинг ҳаётга бўлган қарши, Ватанимиз тараққиётидаги ташаббуслари ўзгача бўлади.

Тадбир доирасида Бўстон маҳалласи ҳудудида жойлашган «Бўстон» маданият уйи биноси, 160 ўринли томоша зали таъмирланаётди. Маданият уйининг моддий-техник базасини мустаҳкамлаш мақсадида 10 дан ортиқ бўлган қизиқишларини қўллаб-қувватлашимиз, уларга етарли шарт-шароитларни яратиб беришимиз даркор. Чунки китоб ўқиган, санъатга ошно ёшларимизнинг ҳаётга бўлган қарши, Ватанимиз тараққиётидаги ташаббуслари ўзгача бўлади.

Бўстон маҳалласида 3 минг 300 дан зиёд аҳоли, жумла-

дан, 1000 га яқин меҳнатга лаёқатли хотин-қиз истиқомат қилади. Айни пайтда 200 нафар хотин-қиз Бўстон қишлоқ хўжалиги касб-ҳунар коллежида тикувчиликдан сабоқ олмоқда. Шуларни назарда тутасак, қишлоқда ташкил этилаётган 200 ўринли янги тикув цехи аҳоли, айниқса, хотин-қизлар бандлигини таъминлашда муҳим аҳамиятга эга эканини англаймиз. Тикув цехида иш 2 сменада ташкил этилиши ҳисобига яна шунча хотин-қизни мутахассис сифатида қайта тайёрлаш режалаштирилган.

Маҳалла аҳли, шунингдек, ёшлар, кўшни туман ва шаҳарлардан келган кўнгилчилар томонидан маҳалланинг марказий кўчаси, истироҳат боғи, маданият саройи ва стадиони ободонлаштирилиб, гул ва дарахт қўчатлари экилди. Марказий кўча асфальтланди.

Тадбирлар доирасида Президент Администрацияси ҳузуридаги Ахборот ва оммавий коммуникациялар агентлиги томонидан туман ёшлари учун 18 мингдан ортиқ нусхада китоб, бошқа қатор ташкилотлар томонидан замонавий спорт жиҳозлари ва мусика асбоблари совға қилинди.

Ёшлар билан учрашувда шоир-ёзувчилар, профессор-

ўқитувчилар, маданият ходимларидан иборат тарғибот гуруҳи ёшларни қизиқтирган саволларга жавоб беришди. Етакчи наشريётлар томонида арзонлаштирилган китоб ярмаркаси, спорт мусобақалари ўтказилди.

Ўқувчи-ёшлар билан ўтказилган давра суҳбатиде Сирожиддин Саййид, Маҳмуд Тоир, Салим Ашур, Усмон Азим, Анвар Обиджон, Гофур Шермухаммад каби таниқли адиблар иштирок этиб, бугун ёшларнинг ҳар соҳада пешқадам бўлиши, замон талабларига жавоб берадиган баркамол инсон бўлиб улғайишлари учун давлатимиз томонидан бекиёс ғамхўрлик қилинаётгани, улар фақат маърифат сари қадам босишлари, инсон сифатида қалбан камолотга эришиб, ўз-ўзини кашф этиш учун китоб ўқишлари лозимлиги ҳақида фикр билдириб, ўз шёърларидан ўқиб бердилар.

Қайд этиш жоизки, маҳалладаги ободлик ишларида Ўзбекистон "Адолат" СДП Тошкент вилоят кенгаши ходимлари, партия депутатлари ҳам фаол қатнашди.

Фаррух АБДУҲАМИДОВ,
Ўзбекистон "Адолат"
СДП Матбуот хизмати
масъул ходими

Миришкор туманида Вазирлар Маҳкамаси қарори нега ижросисиз қолмоқда?

Давоми.
Бошланғичи 1-бетда



Биринчидан, мазкур қарорнинг 6-иловасига мувофиқ Миришкор тумани марказида лойиҳа қиймати 35,0 миллиард сўмлик янги Маданият ва истироҳат боғи ташкил этишга "Ўзбекнефтгаз" АЖ масъул этиб белгиланган. Молиялаштириш манбаси эса "Шўртангазимё мажмуаси" МЧЖ ҳамда "Муборак газни қайта ишлаш заводи" МЧЖга хисобланади.

Иккинчидан, "Янги Миришкор" шаҳарчаси ҳудудида лойиҳа қиймати 5,1 миллиард сўмлик 25x11 ҳажмли ёпиқ турдаги спорт сув ҳавзасини қуриш ва молиялаштиришга масъул қилиб Болалар спортини ривожлантириш жамғармаси белгиланган.

Ўрганишлар давомида юқорида кўрсатиб ўтилган икки инвестиция лойиҳаси доирасида Миришкор туманида ҳеч қандай иш бошланмаганлиги маълум бўлди. Ваҳоланки, Президентимизнинг 2018 йилнинг 28-29 январь кунлари Қашқадарё вилоятига ташрифи чоғида Чироқчи туманида бўлиб ўтган кенгайтирилган йиғилишида 2018-2019 йилларда Қашқадарё вилоятининг Миришкор туманини комплекс ривожлантириш масаласида Вазирлар Маҳкамасига муҳим топшириқлар белгилаб берилган эди.

Юқоридагилардан келиб чиқиб,

"Адолат" СДП фракцияси аъзоси Жамшид Пирматов Ўзбекистон Республикаси Бош вазирининг биринчи ўринбосари — Ўзбекистон транспорт вазири Ачилбай Раматовга Вазирлар Маҳкамасининг қарорига асосан белгилаб берилган ушбу икки инвестиция лойиҳасининг ўз вақтида бажарилмаётганлиги юзасидан асосланган тушунтириш ҳамда мазкур муаммоларни ҳал қилиш бўйича режалаштирилган чора-тадбирлар юзасидан ахборот бериш ҳақида 8 апрель куни депутатлик сўрови юборди.

Ушбу депутатлик сўровига атрофлича жавоб қутиб қоламиз, жавоб хатини партиянинг расмий сайти ва нашрида эълон қилиш назарда тутилганини маълум қиламиз.

Эслатиб ўтиш жоизки, Ўзбекистон Республикасининг "Парламент назорати тўғрисида"ги қонунида депутат сўровига 10 кунлик муддат ичида жавоб берилиши белгиланган.

315 ўринли мактабда 883 ўқувчи таълим олмақда, бу масканда кутубхона ва ошхона йўқ

Шунингдек, Жамшид Пирматов жорий йилнинг 30 март куни Қарши шаҳрида фуқаролар билан учрашуви чоғида шаҳардаги ижтимоий-иқтисодий аҳвол ва маҳаллаларда аҳоли эътирозлари-га сабаб бўлаётган бир қатор муаммолар қайд этилган эди.

Шаҳардаги 3-умумий ўрта таълим мактаби 1924 йилда ўз фаолиятини бошлаган. Қарши шаҳрининг 2700 йиллигини нишонлаш арафасида "Қўқумбаз" жоме масжиди ҳудуди кенгайтирилиши муносабати билан мактабнинг эски биноси бузилган. 2006 йилда "Қарликхона" МФЙ ҳудудидан мазкур таълим муассасаси учун 315 ўринли янги мактаб биноси қуриб, фойдаланишга топширилган. Бугунги кунда мактаб биносида 13 та хона мавжуд.

Айни пайтда мактаб биноси қувватига ўқувчилар сони номутаносиб, яъни ушбу масканда 883 нафар ўқувчи таълим олмақда. Таълим муассасасида фаоллар зали, маънавият хонаси, меҳнат фани устахонаси, ёшлар иттифоқи етакчиси, мактаб психологи хоналари, мактаб директори ўринбосарлари ва ўқитувчилари учун хона ва ҳатто, кутубхона ҳамда ошхона ҳам мавжуд эмас.

Бугунги кунда мазкур таълим муассасасида 96 ўқувчи ўрнига мўлжалланган ўқув блокни қуриш режалаштирилмоқда, лекин бу билан таълим муассасасининг ўқувчи ўрнига бўлган муаммоси ҳал бўлмайди. Сабаби, мактаб ҳудудига яқин бўлган "М.Қошғарий" кўчасида 3 та кўп қаватли уйнинг фойдаланишга топширилиши ва бу уйларга 190 та хонадон қўчиб келиши ҳамда 2019-2020 ўқув йилида ҳудудда истиқомат қилувчи 90 нафар 7 ёшли болаларнинг мазкур мактаб муассасасига 1-синфга келиши ўқувчи ўрни бора-сидеги муаммо янада ортишига олиб келади.

Ушбу муаммога ечим топиш мақсадида Ўзбекистон "Адолат" СДП фракцияси аъзоси Жамшид Пирматов жорий йилнинг 8 апрель куни Ўзбекистон Республикаси Бош вазирининг ўринбосари Азиз Абдухакимовга депутатлик сўрови юборди.

Унда Қарши шаҳридаги 3-сонли умумий ўрта таълим мактаби учун бугунги кунда таълим олаётган ёшлар сонидан келиб чиқиб, қўшимча 420 ўқувчи ўрнига эга бўлган ўқув блокни қуриш масаласини ҳамда мазкур муаммоларни ҳал қилиш бўйича режалаштирилган чора-тадбирлар ҳақида асосланган ахборот берилиши сўралган.

Умид қиламизки, мазкур депутатлик сўровига ҳам қонунчиликда белгиланган муддатда ижобий жавоб берилади.

Ўзбекистон "Адолат" СДП
Матбуот хизмати

ДЕПУТАТЛИК ГУРУҲЛАРИДА

Ҳудудларда қонун устуворлигини таъминлаш, фуқароларнинг манфаатларини рўйбга чиқаришда ҳокимият вакиллик органларидаги партия депутатлик гуруҳлари муҳим ўрин тутаяди. Шу мақсадда халқ депутатлари Зомин тумани Кенгашидаги Ўзбекистон "Адолат" СДП депутатлик гуруҳи жойларда аниқланган муаммоларни ҳал этишга эътибор қаратмоқда.

Партия депутатлари сайловчилар билан яқин алоқада ишлаб, жойлардаги масалаларни ўрганган ҳолда уларга қонуний ечим топишга интилоқда.

Депутатлик гуруҳи аъзоси Норхон Пирназарова тумандаги "Курама" маҳалласининг ички йўллари ҳолатини ўрганди. Шу маҳаллада яшовчи фуқароларнинг мурожаати асосида Н.Пирназарова туман йўл қурилиш пудрат корхонасига депутатлик сўрови юборди. Ҳозирда ушбу маҳалладаги ички йўлларга шағал ётқизиш, бир қисми асфальтланди.

Аниқ натижалар ФАОЛИЯТДА МУҲИМ МЕЗОН

Депутатлик гуруҳи томонидан партиянинг "Адолат — қонун устуворлигида" лойиҳаси доирасида очик мулоқотлар чоғида "Навоий" ҚФЙ маҳалласида истиқомат қилувчи фуқаролар Азиз Урдушев, Комил Бердиев хонадонларга тўлдирилган газ баллонлари етказиб беришда учраётган муаммолар хусусида баён этишди. Депутат Санобар Алибекованинг аралашуви билан туман газ корхонаси томонидан ушбу ҚФЙ ҳудудидаги 21 хонадон сўюлтирилган газ баллонлари билан таъминланди. Очик мулоқот давомида депутатга шу маҳаллада яшовчи фуқаро Мунаввар Нишонова соғлиги ёмонлашгани туфайли анчадан буён даволаниб келаётгани, дори-дармон харид қилишга қийналаётгани боис шифохонада бепул даволаниш учун ордер олишда ёрдам сўраб мурожаат қилди. Санобар Алибекова туман тиббиёт бирлашмасига депутатлик сўрови киритди. Натижада фуқаро

М.Нишоновага шифохонада даволаниб, соғлигини тиклаш учун ордер берилди.

Партия депутатлик гуруҳи аъзоси Фахриддин Умурақовга "Истиқлол" ҚФЙда яшовчи фуқаролар хонадонлар тоза ичимлик суви билан таъминланмаганини айтишди. Туман "Сув-оқава" корхонасига депутатлик сўрови киритилган, муаммо ўрганилиб, ушбу ҚФЙдаги 12 та хонадон тоза ичимлик суви билан таъминланди.

"Навоий" МФЙда сайловчилар билан мулоқот чоғида кам таъминланган мулоқот чоғида кам таъминланган, ижтимоий ҳимояга муҳтож оила-ларни газ плиталари, газ баллонлари билан таъминлаш ва моддий ёрдам ажратиш юзасидан мурожаат қилинган эди. Депутат Абдурауф Худойбердиев маҳалладаги 8 та хонадоннинг турмуш тарзи ва яшаш шароитини ўрганди. Маҳалла раиси ва бир қатор ҳомийларни жалб қилган ҳолда депутат муаммога ижобий

ечим топиб, ушбу хонадонларга газ баллонлари етказиб берилди ва уларнинг ҳар бирига моддий ёрдам кўрсатилди.

Бундай мисолларни яна келтириб ўтиш мумкин. Аммо таҳлиллар шуни кўрсатмоқдаки, депутатлар бу борада ўз ваколатларидан хали тўлагича фойдаланмапти. Табиийки, сайловчилар у ёки бу масалада сафдошларимиз эришган амалий натижаларга қараб фикр билдиради. Айниқса, сайловлар йилида депутатлар партия тузилмалари билан биргаликда янада фаолроқ ишлашга ҳаракат қилиши лозим. Чунки партия фаолларининг сайловлар оралигидаги фаолияти, берган ваъдаларига амал қилиши навбатдаги сайловларда партия номзодларига ишонч ортишининг ҳаётий омилли саналади.

Достон ЗОКИРОВ,
Жиззах вилоят кенгаши
матбуот котиби

Сўровларга эътиборсизлик қилаётган мансабдорлар жазоланиши шарт

СЕМНАР

Ватанимиз келажиги ва тараққиёти ҳар томонлама соғлом ва баркамол ёшлар қўлида, деб ҳисоблайдиган Ўзбекистон "Адолат" социал-демократик партияси фаоллари ёшларнинг бандлигини таъминлаш, уларнинг ўз имкониятларидан кенг фойдаланишларини рўйга чиқариш, ҳудудлардаги уюшмаган ёшлар билан мунтазам иш олиб боришда муайян натижаларга эришмоқда.

Партия лойиҳалари амалда

Жумладан, Жиззах вилоят партия кенгаши, туман ва шаҳар ташкилотлари томонидан ёшлар иштирокида партиянинг "Ватан келажиги ёшлар қўлида" ва "Фарзандлари соғлом юрт — қудратли бўлур" лойиҳалари доирасида маънавий-маърифий тарғибот тадбирлари ўтказиб келинмоқда.

Жиззах давлат педагогика институтидан "Ёшлар маънавиятини юксалтиришда "Адолат"нинг ўрни" мавзусида ташкил этилган семинарда Ўзбекистон "Адолат" СДП Сийёсий Кенгаши, ушбу институт вакиллари, партия депутатлари ва фаоллари, БПТ раислари, ёшлар ҳамда ОАВ вакиллари иштирок этишди.

— Демократик давлатда ёшлар ўзларининг ҳақ-ҳуқуқлари ва эҳтиёжларини аниқ мақсадга йўналтирилган давлат сиёсати орқалигина рўйга чиқара оладилар, — деди Ўзбекистон "Адолат" СДП Сийёсий Кенгаши раиси ўринбосари Абдукамол Раҳмонов. — Жамиятимизни демократлаштириш, фуқаролик жамиятини қарор топтириш йўлидаги саъй-ҳаракатлар замирида инсон манфаатлари, тараққиётимиз таянчи бўлган ёшларни ҳар томонлама қўллаб-қувватлаш мақсади мужассам. Кейинги икки йил давомида қабул қилинган бир қатор қарор, фармон ва қонунлар айнан ёшлар масаласига бағишланди. Ёшлар жамиятининг келажиги таъминловчи ижтимоий қатламга айланиши учун давлат алоҳида гамхўрлик кўрсатиши, кенг жамоатчилик эътибор қаратиши ҳаётнинг ўзи тақозо этади. Бу борада Ўзбекистон "Адолат" социал-демократик партияси ҳам бир қатор вазифаларни ўз олдига қўйган.

Семинарда таъкидланганидек, ҳаётимизнинг барча жабҳаларида кечаётган глобаллашув ва унинг таъсирида шиддат билан ўзгараётган ҳозирги даврда ёшлар маънавиятини юксалтириш, уларнинг бўш вақтини мазмунли ташкил этиш масаласи долзарб аҳамиятга эга. Зеро, эртанги кунимизни, халқимиз тақдирини ва мамлакатимизнинг келгуси тараққиётини белгилувчи асосий куч айнан ўсиб келаётган фарзандларимиз, ёшлар қатлами саналади.

Шу боис ёшлар масаласида тараққиёт ва замон талабларидан келиб чиқиб, янги-янги ташаббуслар, долзарб чора-тадбирлар ҳаётга татбиқ қилиб келинмоқда.

— Бугунги кунда ўқимайдиган, тайин бир машғулота эга бўлмаган ёшлар билан ишлаш, уларнинг бандлигини таъминлаш партияимизнинг устувор мақсадларидан бирига айланган, — деди вилоят партия кенгашининг "Ёш адолатчилар" қаноти етакчиси Раҳмонберди Раҳмонов. — Вилоятимизда халқ депутатлари вилоят, шаҳар, туман Кенгашлари депутатлари, партиянинг шаҳар ва туман кенгашлари раислари ҳамда партия фаолларидан иборат ишчи гуруҳлар томонидан 2019 йилнинг 1-чораги давомида уюшмаган ёшлар билан учрашув ва давра суҳбатлари ўтказилиб, уларга 1646 нафар ёшлар қамраб олинди ҳамда 711 та хондонларга ташриф буюрилди, 1469 нафар ёшларга ҳуқуқий маслаҳатлар берилди ва 14 нафар ёшлар чет давлатлардан қайтарилди. Шунингдек, партиянинг "Бир ойда бир иш ўрни" лойиҳаси доирасида 16 нафар ёшлар доимий иш билан таъминланди.

Семинарда китобхонлиқни тарғиб этиш, ёшларнинг ташаббусларини қўллаб-қувватлаш, уларнинг бандлигини таъминлашда масъул ташкилотлар, иш берувчилар, таълим муассасалари билан ҳамкорликда ишлаш, янги иш ўринлари яратилишига бел боғлаган юртдошларимизга кўмаклашиш юзасидан атрофича фикр алмашилди.

Достон ЗОКИРОВ,
Жиззах вилоят кенгаши матбуот котиби

Давоми.
Бошланғичи 1-бетда

Бироқ амалиёт депутатлик корпуси вакиллари тўлақонли фаолият олиб боришига тўсқинлик қилувчи айрим омиллар, хусусан, парламент назоратининг муҳим институтларидан ҳисобланган депутат сўрови ва сенатор сўрови институтидан фойдаланиш, унинг кафолатларини янада мустаҳкамлаш билан боғлиқ ташкилий-ҳуқуқий масалалар борасида муаммолар мавжудлигини кўрсатмоқда. Масалан, Маъмурий жавобгарлик тўғрисидаги кодекснинг 193-моддасига мувофиқ, мансабдор шахслар томонидан депутатлар ҳамда сенаторлар олдидаги ўз вазифаларини бажармаслик, уларнинг ишига тўсқинлик қилиш, уларга атайлаб сохта маълумот бериш, депутатлик ва сенаторлик фаолиятининг кафолатларини бузиш, худди шунингдек, мансабдор шахслар томонидан парламент сўрови, депутат сўрови, сенатор сўровини кўриб чиқмасдан қолдириш ёки уларни кўриб чиқиш мuddатларини узрли сабабларсиз бузиш ёхуд улар юзасидан била туриб нотўғри маълумотларни қасддан тақдим этиш учун жавобгарлик белгиланган. Аммо бу борадаги ўрганишлар ушбу жавобгарлик чоралари амалиётда деярли қўлланилмаган келинаётганини кўрсатмоқда.

Масалан, Олий Мажлис Қонунчилик палатаси депутатлари томонидан ўтган икки йил давомида мансабдор шахслар номига жами 526 та депутатлик сўровлари юборилган бўлиб, улардан 31 таси умуман кўриб чиқилмасдан қолдирилган, 58 тасининг эса кўриб чиқиш мuddатлари узрли сабабларсиз бузилган.

Халқ депутатлари вилоят, туман, шаҳар Кенгашларида депутатлик фаолиятининг кафолатлари билан боғлиқ вазият бундан ҳам мураккаброк

бўлиб, бу борада махсус ўрганишлар 2017-2018 йиллар мобайнида депутатлик сўровларига ўз вақтида ёки умуман жавоб берилмаган ҳолатларда сўров юборилган мансабдор шахсларга нисбатан ҳам жавобгарлик чоралари амалда деярли қўлланилмай келинаётганини кўрсатади. Масалан, "Адолат" СДПнинг маҳаллий Кенгашлардаги жами 850 нафарга яқин депутатлари томонидан 2017-2018 йилларда жами 10342 та депутатлик сўрови юборилган бўлиб, депутатлик сўровларини кўриб чиқмасдан қолдириш ҳолатлари 507 тани, кўриб чиқиш мuddатларини узрли сабабларсиз бузиш ҳолатлари эса 1084 тани ташкил этади.

Умуман, ўтган икки йил мобайнида республикамиз бўйича барча даражадаги депутатлик корпуси аъзолари томонидан мансабдор шахсларга жами 62714 та депутатлик сўрови юборилган бўлиб, улардан 4499 тасининг кўриб чиқиш мuddатлари узрли сабабларсиз бузилган, 2956 таси эса умуман кўриб чиқмасдан қолдирилган.

Ҳолбуки, Президентимиз Шавкат Мирзиёев "Депутатга бепасандлик — халққа бепасандлик деб баҳоланиши шарт. Халқни ҳурмат қилмаган, депутатлик ваколатини амалга оширишга тўсқинлик қилган ҳар қандай мансабдор шахс қонун олдида жавоб беради. Шу сабабдан ҳам депутатлик сўровини кўриб чиқмагани ёки унга жавоб бермагани, кўриш мuddатини бузгани учун жавобгарликни кучайтириш лозим", дея таъкидлаган эди.

Ўзбекистон Республикаси Маъмурий жавобгарлик тўғрисидаги кодекснинг 193-моддасига мувофиқ маъмурий судлар томонидан 2017-2018 йиллар давомида атиги 12 та иш кўрилган, холос. Судлар томонидан 2017 йилда 8 нафар мансабдор шахсга нисбатан 7 та маъмурий иш кўрилган бўлиб, шундан 5 та иш бўйича 6

нафар мансабдор шахсга нисбатан маъмурий жазо қўлланилган, 2 та иш эса тугатилган. 2018 йилда эса судларда жами 5 та шахсга нисбатан 5 та маъмурий ишлар кўриб чиқилган бўлиб, уларнинг барчаси бўйича жазо чоралари қўлланилган.

Судларда кўрилган ишлар сони жуда камлигининг асосий сабабларидан бири содир этилган ҳуқуқбузарликни расмийлаштириш ва уни судга ошириш механизмнинг амалдаги қонунчиликда белгиланмаганлигидир.

Масалан, агар депутат сўровига белгиланган мuddатда жавоб берилмаса, тегишли мансабдор шахсни жавобгарликка тортиш ҳақида депутатнинг ўзи судга чиқа олмайди. Боз устига, депутат маъмурий ҳуқуқбузарлик тўғрисидаги баённома тузиш ҳуқуқига ҳам эга эмас. Шу боис депутат бу масалада бошқа органларга мурожаат қилишга мажбур бўлиб, бу эса ортиқча вақт ҳамда процедура-ларни талаб этади.

Қолаверса, мансабдор шахснинг жавобгарлик масаласини ҳал этиш борасида депутат мустақил қарор қабул қила олмайди, балки тегишли давлат органининг депутат таклифига рози бўлиши ёки рози бўлмаганини кутади. Яъни депутат киритадиган материалнинг тўғри ёки нотўғрлигига суд эмас, балки судгача бошқа орган баҳо беради.

Юқоридагиларга асосланиб, Олий Мажлис Қонунчилик палатасининг бир гуруҳ депутатлари томонидан Ўзбекистон Республикаси Маъмурий жавобгарлик тўғрисидаги кодексига депутатлик ва сенаторлик фаолиятининг кафолатлари бузилган тақдирда депутат, сенаторга тегишли ҳужжатларни расмийлаштирган ҳолда тўғридан-тўғри судга мурожаат қилиш ҳуқуқини бериш бўйича қўшимча киритиш таклифи қилинмоқда.

Таклиф этилаётган мазкур норма хорижий мамлакатлар тажрибасига



Қодир ЖҰРАЕВ,
Олий Мажлис Қонунчилик
палатасидаги
Ўзбекистон "Адолат" СДП
фракциса аъзоси

ҳам тўлиқ мос келади. Чунончи, депутатлик фаолиятининг кафолатларини бузган мансабдор шахсларнинг жавобгарлик масаласини юридик жиҳатдан расмийлаштириш механизми юзасидан хорижий мамлакатлар тажрибасини ўрганиш натижалари шуни кўрсатадики, Россия, Польша, Украина, Молдова каби мамлакатларнинг миллий қонунчилигида мансабдор шахслар томонидан депутатлар фаолиятининг қонунда белгиланган кафолатларини бузганлик учун жавобгарлик белгиланган бўлиб, ушбу жавобгарликни расмийлаштириш депутатнинг тўғридан-тўғри судга мурожаат қилиши асосида расмийлаштирилиши тартиби белгилаб қўйилган.

Албатта, миллий қонунчилигимиздаги бу каби ҳуқуқий бўшлиқларни бартараф этиш, шунингдек, депутатлик корпуси фаолияти самарадорлигини ошириш мақсадида бошқа бир қатор ташкилий тадбирларни амалга ошириш депутатлик фаолияти кафолатларини кучайтиришга, депутатларнинг нуфузи ва салоҳиятини кўтаришга, мансабдор шахсларнинг халқ вакиллари олдидаги масъулиятини оширишга, пировардида эса ҳокимиятнинг бўлиниши ва унинг тармоқлари ўртасидаги ўзаро мувозанат принципини мустаҳкамлашга хизмат қилади.

САЙЛОВ

Ислохотларнинг ҳозирги босқичида маҳаллаларни янада қўллаб-қувватлаш ва ҳар томонлама ривожлантириш, шу билан бирга, мамлакатимизда фуқаролик жамиятини шакллантиришнинг зарорий талаблари фуқароларнинг ўзини ўзи бошқариш органлари зиммасига юклатилган вазифаларнинг самарали ижросини таъминлаш тизимини янада такомиллаштиришни тақозо этади. Шу боис Президентимиз томонидан 2018 йили имзоланган «Фуқаролар йиғини раиси (оқсоқоли) сайлови такомиллаштирилиши муносабати билан Ўзбекистон Республикасининг айрим қонун ҳужжатларига ўзгартиришлар киритиш тўғрисида»ги ҳамда «Фуқаролар йиғини раиси (оқсоқоли) сайлови тўғрисида»ги қонунлар бевосита маҳалла ҳаётини дахлдор бўлиб, унинг тараққиётини, фаолият мезонларини белгилаб берди.

Эътиборлиси, мазкур қонунлар фуқароларнинг ўзини ўзи бошқариш органлари раислари сайлови тизимини маҳалла оқсоқолларига қўйлаётган янги талаблар асосида амалга оширишга қулай шароит яратиш, сайлов жараёнининг очиқлиги ва шаффофлигини янада ошириш мақсадида ишлаб чиқилган. Ўзбекистон Республикаси Олий Мажлиси Сенати Кенгашининг 2019 йил 15 февралдаги «Фуқаролар йиғинлари раислари (оқсоқоллари) сайловига тайёргарлик кўриш ва уни ўтказиш тўғрисида»ги қарорига асосан мамлакатимизда шу йил май ойида ўтказиладиган фуқаролар йиғинлари раислари (оқсоқоллари)нинг навбатдаги сайлови янги қонун асосида ўтказишни билан аҳамият-лидир. Бу сайловда республикамизда 9019 нафар, хусусан, Тошкент шаҳрида 508 та фуқаролар йиғинида раислар сайланади.

Авалло, ўзини ўзи бошқариш деганда, фуқароларнинг маҳаллий аҳамиятга молик масалаларни ўз манфаатларидан, миллий ва маънавий қадриятлар, урф-одатлар ва анъаналардан келиб чиққан ҳолда ҳал қилиш борасидаги қонунлар билан кафолатланган фаолиятини тушуниш жоиз. Конституцияимизнинг 105-моддасида "Шаҳарча, қишлоқ ва овулларда, шунингдек улар таркибидagi маҳаллаларда ҳамда шаҳарлардаги маҳаллаларда фуқароларнинг йиғинлари ўзини ўзи бошқариш органлари бўлиб, улар раисни (оқсоқолни) сайлайди", деб белгилаб қўйилган.

Бу борадаги муносабатлар янги тахрирдаги «Фуқароларнинг ўзини ўзи бошқариш органлари тўғрисида»ги қонун билан тартибга солиниб, унинг 8-моддасида фуқароларнинг ўзини ўзи бошқариш органлари давлат ҳокимияти

Маҳалла раислигига



органлари тизимига кирмаслиги, фуқаролар йиғини органлари фуқаролар йиғини кенгаши, фуқаролар йиғини фаолиятининг асосий йўналишлари бўйича 8 та комиссия ва тафтиш комиссиясидан иборатлиги белгиланган.

Фуқаролар йиғини раиси сайлови Президент томонидан 2018 йил 15 октябрда имзоланган «Фуқаролар йиғини раиси (оқсоқоли) сайлови тўғрисида»ги қонун талаблари асосида амалга оширилади. Шу ўринда, қонунларимизга киритилган сўнгги ўзгаришларга биноан оқсоқолнинг ваколат мuddати 2,5 йилдан 3 йилга узайтирилгани, оқсоқол билан маслаҳатчиларнинг сайлови алоҳида ўтказилиши, оқсоқолни сайлашда сайловда иштирок этиш ҳуқуқи бўлган фуқароларнинг камида 12 фоизи иштирок этиши шартлиги белгиланганини таъкидлаш жоиз.

Фуқаролар йиғини раис сайловида шу маҳалла ҳудудида доимий яшовчи, муомалага лаёқатли 18 ёшга тўлган фуқаролар иштирок этади. Иштирок этиш ихтиёрий ва эркиндир. Оқсоқол сайловини ташкил этиш ва ўтказиш ошқоралик, муқобиллик ҳамда тенг сайлов ҳуқуқи принциплари асосида амалга оширилади. Номзод икки ва ундан кўп бўлиши керак. Сайловни ўтказиш мuddатлари сайлов бошланишидан камида икки ой олдин Олий Мажлис Сенати Кенгаши томонидан белгиланади.

Сайловни ташкил этиш ва ўтказиш учун фуқаролар йиғини (вакиллар йиғилиши) қарори билан ишчи гуруҳ тузилади. Унинг таркибига оқсоқол, маслаҳатчилари, йиғиннинг бошқа ходимлари, оқсоқолликка номзодлар киритилиши мумкин эмас. Ишчи гуруҳ фуқаролар йиғини (вакиллар йиғилиши) ўтказишидан камида беш

кун олдин шу ҳудудда яшовчи фуқароларни хабардор қилади. Ховлилар, уйлари, кўчалар аҳолисининг вакиллар сайлови бўйича умумий йиғилишларини ўтказди. Вакиллар бўйича баённомалар тузади. Фуқаролар фикрини инобатга олган ҳолда тегишли комиссияга тақдим этиш учун оқсоқол лавозимига номзодлар рўйхатини шакллантиради, сайловни ўтказди ва сайловга оид мурожаатларни кўриб чиқади. Ишчи гуруҳ оқсоқоллик лавозимига номзодларни сайловдан камида ўн кун олдин ҳоким билан келишиш учун тегишли комиссияга тақдим этади. Ҳоким номзодларни кўриб чиқиб, асосланган ҳулосалари билан комиссияга, комиссия ишчи гуруҳга юборади. Ишчи гуруҳ номзодлар рўйхатини сайловдан камида беш кун олдин фуқаролар йиғини биноси ва гузарларга осиб қўяди.

МУНОСИБЛАР САЙЛАНДИ

Фуқаролар йиғини раислигига номзодлар Ўзбекистон Республикаси фуқароси бўлиши, қоида тариқасида олий маълумотга эга бўлиши, бевосита сайловга қадар камида беш йил тегишли ҳудудда доимий яшаётган бўлиши, ташкилотчи, ҳаётини ва иш таърибасига ҳамда аҳоли ўртасида обрў-эътиборга эга бўлиши керак. Суд томонидан муомалага лаёқатсиз деб топилган, оғир ёхуд ўта оғир жиноятларни содир этганлик учун судланганлик ҳолати тугалланмаган ва судланганлиги олиб ташланмаган шахслар, озодликдан маҳрум қилиш жойларида сақланаётганлар, ҳарбий хизматчилар ва диний ташкилотларнинг профессионал хизматчилари оқсоқоллик лавозимига сайланиш учун номзод этиб кўрсатилиши мумкин эмас.

Фуқаролар йиғини (вакиллар йиғилиши) ишчи гуруҳ раҳбарлигида ўтказилади. Кун тартибда санок комиссиясини сайлаш ва оқсоқолни сайлаш масаласи кўрилади. Санок комиссиясини камида уч кишидан иборат таркибда сайланади. Номзодларнинг маърузаси алифбо тартибда ўтказилиб, улар ўзининг келгуси фаолият дастурини эълон қилади. Оқсоқолни сайлаш яширин овоз бериш орқали амалга оширилади. Овоз берувчи тўлдирилган бюллетенни сайлов

қутисига ташлайди. Сайлов қутилари овоз бериш тугандан кейин санок комиссиясини томонидан очилади. Овозларни санаб натижалари бўйича санок комиссиясини томонидан баённома тузилиб, раис ва аъзолар томонидан имзоланади. Баённома санок комиссияси раиси томонидан ўқиб эшиттирилади ва фуқаролар йиғини (вакиллар йиғилиши) томонидан тасдиқланади.

Фуқаролар йиғинида иштирок этувчилар рўйхати киритилган фуқароларнинг ярмидан ками, вакиллар йиғилишида вакилларнинг учдан икки қисмидан ками иштирок этган бўлса, сайлов ўтган деб топилди. Овоз беришда иштирок этган фуқаролар-

нинг ярмидан кўпрогининг овозини олган номзод оқсоқол лавозимига сайланган деб ҳисобланади. Фуқаролар йиғини раис (оқсоқол)лигига икки нафардан ортиқ номзод қўйилиб, биронтаси ҳам сайланмаса, энг кўп овоз олган икки номзод бўйича тақдир овоз бериш ўтказилади. Бу вақтда бошқа номзодга нисбатан кўпроқ овоз олган номзод оқсоқолликка сайланган ҳисобланади. Фуқаролар йиғини раиси (оқсоқоли) сайлангач, фуқаролар йиғини (вакиллар йиғилиши) томонидан бир ой ичида фуқаролар йиғини кенгаши шакллантирилади, оқсоқолнинг маслаҳатчилари, комиссиялар ва тафтиш комиссияси сайланади.

Амалиётга фуқаролар йиғини раиси(оқсоқоли)ни туман (шаҳар) ҳокими ишдан бўшатганини тўғрисидаги мурожаатлар кўп учрайди. Ҳўш, ҳоким ўзининг қарори билан оқсоқолни вазифасидан бўшатиши мумкинми? Йўқ. Аммо қонунчиликка ҳокимлар тегишли фуқароларнинг ўзини ўзи бошқариш органлари фаолиятини мувофиқлаштириш бўйича кенгашига жамоатчилик асосида раислик қилиши белгилаб қўйилган. Бу кенгаш оқсоқолларнинг ахборотини эшитиш ваколатига эга. Шунингдек, фуқаролар йиғини (вакиллар йиғилиши) мувофиқлаштириш кенгашининг ташаббуси билан қақири-лиши мумкин. Ҳар чоракка оқсоқол ҳисоботи эшитилиб, унинг фаолияти қониқарсиз деб топилса, фуқаролар йиғини (вакиллар йиғилиши) қарори билан оқсоқол ваколатлари мuddатидан олдин тугатилиши мумкин.

Тошпўлат МАТИБАЕВ,
халқ депутатлари Тошкент шаҳар Кенгашининг
фуқаролар йиғинлари раислари (оқсоқоллари)
сайловини ташкил этиш ва ўтказишга
кўмаклашувчи комиссия раиси

Ўз ҳисобидан ГАЗ БАЛЛОН ТЎЛДИРАЁТГАН БОҒЧА ОПАЛАР

Давоми.
Бошланғич 1-бетда

"Найман" маҳалласида жойлашган 30-МТМ мослаштирилган бинода фаолият юритаётган муассаса ҳисобланади. Аммо 50 нафар ўринга 75 нафар бола қабул қилинган айрим муаммоларга сабаб бўляпти.

— Тўғри, боғчага қабул қилиш тизими шаффофлашди, — дейди боғча мудир Ирода Пирназарова. — Давлат хизматлари томонидан, навбат асосида қабул қиляпмиз. Аммо мурожаатларнинг кети узилгани йўқ. Боласини боғчага бевуқчилик сони кўп. Туман мактабгача таълим бўлими вазирани ўрганиб, қўшимча 25 нафар бола олишга рухсат берди.

Болалар ётоқхонасида кийим жавонларнинг йўқлиги боис кичкинтойларнинг кийимлари этакларга туғиб қўйилган экан. Ҳар бир гуруҳнинг ўз этаги бор. Энди тасаввур қилинг. 15-20 нафар боланинг кийим-кечаги бир этакка солиб, боғлаб қўйилади. Сигмагани устма-уст, аралашиб ётибди. Ёш организм юқумли касалликларга тез чалинувчан бўлади. Демак, санитария-гиена талабларига зид келувчи бундай ҳолатларни оқлаб бўлмайд.


Таом тайёрлашда суюлтирилган газ муаммо бўлаётгани алоҳида масала. **Ошпазлар суюлтирилган газдан фойдаланишга мажбур бўлишмоқда.** Қизиғи, уни ҳеч ким тўлдириб бермайди. Харажатлар сметасида бу ҳисобга олинмаган. Шундай бўлгач, боғча ходимлари чўнтагидан пул сарфлаб, газ баллонларини тўлдиришга мажбур бўлишмоқда.

«Баъзан ота-оналар шу масалада ҳомийлик ёрдами қилиб туришади», дейди муассаса раҳбари.

Таассуфки, шундай ҳолатга 14-МТМда ҳам дуч келиш мумкин. — Баъзи оиларда харажати ошиб кетади, — дейди МТМ ҳамшираси Марҳоба Сафарова. — Газ баллонни тўлдириб келиш доим муаммо. Ҳар ой 50-60 минг сўмдан пул йиғамиз. Истеъмол қилаётган овқатимиз учун маошимиздан чегириб қолинади. Боғчада тозалаш ишлари учун хлор воситасини ҳам ёнимиздан сотиб олишга мажбуримиз.

Ҳамшира бизни боғча ошхонасига олиб борди. Тўшликка шавла сузилаётган экан. Овқатларни рационада ҳар бир бола учун солинадиган гўшт миқдори кунига 100 грамм қилиб белгиланган. Аммо таомга умуман гўшт солинмаган.

— Бугун душанба. Гўштинг охиригини ўтган ҳафта жума кунини ишлатганимиз, — дейди МТМ мудираси Феруза Жўраева. — Қассоблар кечгача олиб келишни ваъда қилишганди. Озиқ-овқат таъминоти-



да шундай узилишлар ҳам бўлиб туради. Гўштинг ўрнини босиш учун кўпроқ тухум қайнатдик. Болалар бугунча шуни тановул қилиб туришади.

«Тиббиёт хонаси»даги шароит билан танишар эканмиз, яна бир ҳолат эътиборимизни тортди. Айрим дори-дармонларнинг ярқоқлиги муддати аллақачон ўтиб бўлган экан. Аммо ҳали ҳам тиббиёт жавонини «безаб» турибди.

Фараз қилайлик, ўша дори-ларга эҳтиёж туғилди. Шундай пайтда улардан фойдаланмасликка қафолат борми?

Озиқ-овқат учун ғамланган пиёда кўкариб кетибди, борганимизда асфальт йўлакка ёйиб қўйилган экан. Уч-тўрт нафар ходим барра қисмини қирқиб, яна қопга жойлаштириш билан машғул.

10-МТМ қишлоқ боғчаларидан анча фарқ қилади. «Гулистон» маҳалласида жойлашган ушбу муассаса 2014 йилда мумкамал таъмирланган. 125 нафар бола учун барча шароитлар мавжуд. МТМ мудираси Дилноза Ҳамроева бизни амборхонага бошлаб борди. Иккита музлаткичи очиб, за-

«Тиббиёт хонаси»даги шароит билан танишар эканмиз, яна бир ҳолат эътиборимизни тортди. Айрим дори-дармонларнинг ярқоқлиги муддати аллақачон ўтиб бўлган экан. Аммо ҳали ҳам тиббиёт жавонини «безаб» турибди. Фараз қилайлик, ўша дори-ларга эҳтиёж туғилди. Шундай пайтда улардан фойдаланмасликка қафолат борми?

ҳирада сақланаётган гўшт қанча эканини кўрсатди.

Ҳақиқатан музлаткич тўла гўшт. Ҳали бошқа боғчаларда бундай тўқислиқни учратмагандик. Аммо... Тақсимот бўйича, ўша кунги таомлар учун 12,5 килограмм гўшт ишлатилиши кераклигини билдик. Бирок болаларнинг овқати учун ҳар кун 10 килограмм гўшт ишлатилмоқда.

— Ҳаммаси қонуний расмийлаштирилган, — дейди мудира Д.Ҳамроева. — Агар озиқ-овқат таъминотида узилиш бўлиб қолса, заҳирага 2,5 килограммдан олиб қўйилаётган гўшт асқотади. Музлаткич

тўлиб турса, янги келтирилган маҳсулотни олмай, қайтариб юборамиз. Қачон зарур бўлса, келтириб беришади.

Мақоламиз бошланишида боғчалар таомномасига киритилган айрим маҳсулотлар тури кискаргани ҳақида қайд этган эдик. Қарийб 24 турдаги маҳсулот бугун 22 тага камайтирилган. Дейлик, сифатли қолбаса маҳсулоти қамлиги ҳисобга олиниб, рацшондан чиқарилган. Картошка, балиқ, сўт маҳсулотларининг миқдори камайтирилиб, айримлари оширилган. Гўшт миқдори эса аввалгидай, ўзгартирилмаган. МТМ мудирасининг келтири-

ган важи уни камайтиришга асос бўлармикан? Озиқ-овқат таъминотидаги узилишлар қачонгача давом этади? Маҳсулотларнинг қирими қайд этиб бориладиган дафтнинг тегишли тартибда муҳрланиб, расмийлаштирилмагани кишида таажуб уйғотади.

Хуллас, жавобсиз қолаётган саволлар кўп. Ҳўш, суюлтирилган газ баллонларини тўлдириш қачонгача ходимлар ва ота-оналар ҳиммати ҳисобига амалга ошар экан? Сифати ўтган дори-дармонлар-чи? Таом тайёрлаш, маҳсулотларни сақлаш борасида йўл қўйилаётган хато ва камчиликлар болалар саломатлиги учун зарар келтириши мумкин, бу ҳолат мутасаддиларни қачон сержак торттиради? Бу саволларга масъул ташкилотлар вакиллари амалий ишлар билан жавоб қайтаради, деган умид-дамиз. Демак, ушбу мавзуга яна қайтамиз.

Комила УМАРОВА,
Ўзбекистон «Адолат» СДП
Жомбой туман кенгаши
раиси,
Шерзод ИСОҚУЛОВ,
«Жомбой тонги» газетаси
муҳбири

ДЕПУТАТ МИНБАРИ

Таҳлилларга эътибор қаратсангиз бугунга қадар мамлакатимизда жами 370 мингдан ортиқ ҳўжалик юритувчи тадбиркорлик субъектлари рўйхатдан ўтгани, 2019 йил аввалида тадбиркорлар учун солиқ юки 30 фоизга камайганига гувоҳ бўласиз.

Бир қараганда ҳаммаси яхши, ҳаммаси зўр. Аммо танганинг иккинчи томони ҳам борки, бу бизни ўйлашга мажбур қилади.

Тадбиркорга пул йиғувчи эмас, кўмакчи керак

Солиқ юкидаги ва ҳўжатлар алмашинувидаги енгилликларга қарамасдан жорий йилнинг биринчи чораги мобайнида 135 минг, яъни умумий рўйхатдан ўтган тадбиркорларнинг 36 фоиздан кўпроги ўз ишини вақтинча ёки умуман тўхтатган. Яна бир эътиборни торттирган жиҳати, бу рақамлар ўтган йилга нисбатан 3 фоизга кўпроқдир.

Шунинг учун ҳам давлатимиз раҳбари бошчилигида ўтган ҳафтада ўтказилган видеоселектор йиғилишида айрим вилоят ва туман (шаҳар) ҳокимлари маҳаллий бюджетга солиқларнинг ўндирилиши, шунингдек, фаолият юритиб келаётган тадбиркорлар ўз фаолиятини вақтинча ёки умуман тўхтатганлиги натижасида бюджетга тушум камайганлиги юзасидан танқидга ўчрадилар.

Фикримизча, бунинг иккита асосий сабаби мавжуд: биринчидан, фаолият тўхтатилган тадбиркорларнинг кўпчилиги банкдан ташқари, яъни фойдани яширган ҳолда ўз фаолиятини давом эттирган. Сабаби эса аниқ. Ўтган йили солиқ соҳасидаги ўзгаришлар мутахассислар томонидан солиқ тўловчиларга тўлиқ ва тушунарли ҳолда етказилиши тизимли йўлга қўйилмаган.

Иккинчидан, янги солиқ тизими бўйича республикаимизда ҳўжалик юритувчи субъектларнинг ҳисоботини юритиш учун лозим даражада малакали ҳисобчилар етишмади.

Ҳўш, бу каби ҳолатлар келгуси чорак якунида ҳам рўй бермаслиги учун нима қилиш керак?

Аввало, ўз фаолиятини тўхтатган тадбиркорларнинг ҳар бирига солиқ ва молия тизимидаги ислохотлардан тўла хабардор бўлган мутахассисларни бириктириш ва улар иштирокчида тадбиркорлар билан суҳбатлар (тадбир ёки йиғилиш эмас) ўтказиш зарур. Албатта, бу каби ишларни жойларга чиқиб, ҳар бир тадбиркор билан унинг фаолият йўналишидан келиб чиққан ҳолда олиб бориш керак.

Юзма-юз мулоқотларда аниқланган муаммоларни бартафоз этиш учун барча чораларни кўриш даркор. Керак бўлса, қабул қилинган қарор ва фармонларни, шунингдек, соҳага оид тегишли қонунларга, тадбиркорлар мурожаатларидан келиб чиқиб, ўзгартириш ва қўшимчалар киритиши мумкин, бу ҳолда тадбиркорлар билан мулоқотларимизда айрим ҳолларда уларга ўтган 2016, 2017, 2018 йиллардаги фаолияти учун ҳам қўшимча қиймат солиғи ҳисобланиб, банкдаги ҳисобрақамларига инкасса тўловлари қўйилганлик ҳолатлари кузатишмоқда.

Энди ўзингиз ўйланг, унинг ҳисобрақамидан айланма маблағи — маълум миқдордаги сумма мавжуд ва унга уч йил учун катта миқдордаги қарздорлик қўйилди ва ушбу маблағ солиқ қарздорлигига йўналтирилди. Табиийки, айланма маблағсиз қолган тадбиркор ўз-ўзидан фаолиятини тўхтатишга мажбур бўлади.

Бу ўринда агар биз ҳақиқатдан ҳам тадбиркорлар сонини ошириш, уларни қонуний солиқ тўловчиларга айлантиришни истасак, унда тадбиркорларнинг аввалдан солиқ тўловларидан бўлган қарздорлигини пропорционал ойларга бўлиб тўлашини йўлга қўйиш, амалдаги жарималарни минимал даражада камайитириш, бу борадаги ишларни тизимли ва сифатли амалга ошириш учун эса солиқ тизимидаги ходимларнинг малакасини ошириш керак бўлади.

Шунингдек, ҳар бир вилоят ҳудудидаги иқтисодиёт факультети бор бўлган университет ва институтларда ҳўжалик юритувчи субъектларнинг бухгалтерия ҳисобини юритиш учун бухгалтерларнинг малакасини ошириш курсларини ташкил этиш керак. Унда биринчи бор малакасини ошираётган ҳисобчиларни бепул ўқитиш, кейинги ўқув даврларида ЭКИҲнинг бир баравари миқдордаги тўлов билан амалга ошириш, шунингдек, малака ошириш ҳар 3 йилда бир марта ўтказилишини жорий этишимиз зарур.

Хулоса ўрнида айтганда, ислохотлар қайси соҳада амалга оширилишидан қатъи назар, ўзгаришлар ижрочиларнинг ўзи ислохотлардан қўланган мақсад ва вазифаларни тўри ва тўла-тўқис англаб етиши қўланган натижага эришишининг гаровидир. Чунки солиқ тизимидаги ислохотлардан мақсад — тадбиркорлик фаолиятини олиб бораётган тадбиркорларга ҳамда фуқароларимизга қулай шарт-шароит яратиш орқали аҳоли бандлигини таъминлаш, соғлом рақобат муҳитини шакллантириш орқали ихтиёрий равишда бюджетга тушадиган даромадларни оширишдан иборат бўлмоғи лозим.



Максуд ҚУРБОНБОВ,
Олий Мажлис Қонунчилик
палатасининг
Бюджет ва иқтисодий ислохотлар
қўмитаси раиси ўринбосари,
Ўзбекистон «Адолат» СДП
фракцияси аъзоси

ЭЪТИБОР

Ёшларнинг интеллектуал салоҳияти, маънавияти ва дунёқарашини юксалтиришда китобнинг ўрни беқиёс. Юртимизда китобхонлик маданиятини оширишга алоҳида эътибор қаратилаётгани бежиз эмас.

Энг яхши совға — китоб

Турли касб эгалари, раҳбар ходимлар, депутатлар жойларда таълим даргоҳлари кутубхоналарига ёшлар учун китоблар совға қилиши эзгу анъанага айланди. Партия фаоллари ҳам бир қатор

умумтаълим мактабларига тафаккур дурдоналаридан тўхта этишмоқда. Ўзбекистон «Адолат» СДП Кеґейли туман кенгаши раиси Мурат Бегжанов ўзи ўқиган мазкур мактаб кутубхонасига бадий китоблар

лим мактаби кутубхонасига китоблар тўпламини ҳаёда қилди. Г.Кайпов мактаб ўқувчилари билан китобхонлик маданияти, мутолаа завқи, билим эгаллашнинг ҳаётий аҳамияти ҳақида суҳбатлашди.

Ана шундай тадбир Шуманай туманидаги 16-умумтаълим мактабидан ҳам ўқувчиларга қувонч улашди. Туман партия кенгаши раиси Мурат Бегжанов ўзи ўқиган мазкур мактаб кутубхонасига бадий китоблар

тақдим қилди. Ўқитувчиларнинг таъкидлашича, бундай ташаббуслар кутубхоналарни асл дурдоналар билан бойитмоқда, бу эса ўқувчиларга ҳам ибрат, ҳам бебаҳо тўхта саналади. Аслида энг яхши совға китобдир. Вақти келиб, ёшлар ҳам шу эзгу анъанани давом эттиради.

Айшолпан ОРАЗИМБЕТОВА,
Қорақалпоғистон
Республикаси кенгаши
матбуот котиби

ИХТИРО

Ўзбекистон Республикаси Фанлар академияси генетика ва ўсимликлар экспериментал биологияси институтини, микроорганизмлар биотехнологияси лабораторияси олимлари томонидан Орол денгизининг қуриган майдонидан усадиган тузларнинг зарарли таъсирини камайитирувчи биотехнология ихтиро қилинди.

Институт лабораторияси мудир Бахтиёр Расуловнинг хабар беришича, мазкур биотехнология тузларда учрайдиган айрим ризобактерияларнинг нобь биопольмерлари — полисахарид асосидаги биофлокулянтларнинг биологик фаоллигига асосланиди. Ушбу биоматериаллар тузлар таркибидagi катионлар (Na^+ , K^+ , Mg^{+2} ,

Ca^{+2} ва бошқаларни) юқори фаолликда бириктириши орқали тузлар таркибидagi тузларни боғлаш — зарарсизлантириш хусусиятига эга. Биофлокулянт бирикмалар гел — ўзига хос қуюқ суспензия ҳолатида қўлланилади. Ризобактерия штаммларининг биоматериаллари синтези ва уларнинг тўлиқ физик-кимё

Тузларнинг зарарли таъсирини камайитириш усули топилди

вий тавсифлаш борасидаги илмий тадқиқотлар 2012 йилда бошланган. Уша вақтда ўсимликлар, жумладан, бугдой ва гўза илдири тузроқларидан иқтисодий аҳамиятга эга, қишлоқ ҳўжалигини қўллаш мумкин бўлган бир қатор бактерия штаммлари ажратиб олинди. Бу бактерия штаммлари *Azotobacter*, *Rhizobium*, *Bradyrhizobium* авлодларига мансуб бўлиб, биофлокулянтлар синтезлашидан ташқари,

ҳаво азотини ўзлаштириш ҳисобига қишлоқ ҳўжалигинида биологик азот (биоселитра) сифатида ҳам қўллаш мумкинлиги аниқланган. Урни келганда ай-тиб ўтиш лозимки, ана шу бактерия штаммлари асосида шўр тузроқларда қишлоқ ҳўжалик экинларининг ҳосилдорлигини оширувчи «Биозот» биологик ўғити ҳам яратилди ва Ўзбекистон қишлоқ ҳўжалигинида қўллаш учун рухсат этилди.

**ЖАМОАТЧИЛИК
HAЗОРАТИ**

Хар бир депутатнинг ўз сайлов округи ҳудудида электротат билан яқин алоқада ишлаб, мавжуд муаммолардан ўз вақтида хабардор бўлиши ва уларга ечим топиши шу ҳудудда партиянинг мавқеини мустақамлаш омили саналади.

Ходимлар ва иш берувчилар ўртасидаги ижтимоий шериклик муносабатларини мустақамлаш, мулкчилик шаклидан қатъи назар, корхоналарда ходимларнинг меҳнат шароитларини яхшилаш, бизнес тузилмаларнинг ижтимоий масъулиятини янада ошириш масалаларига Ўзбекистон "Адолат" СДП Сайловолди дастурини алоҳида эътибор қаратилган.

Маълумки, давлатимиз раҳбарининг жорий йил 7 март кунги "Хотин-қизларнинг меҳнат ҳуқуқлари кафолатларини янада кучайтириш ва тадбиркорлик фаолиятини қўллаб-қувватлашга оид чора-тадбирлар тўғрисида"ги қарорини аёллари ҳуқуқлари ва қонуний манфаатларига сўзсиз рия этилишини таъминлашга, меҳнат ҳуқуқини кафолатлаш ва тадбиркорлигини қўллаб-қувватлашга доир бир қатор вазифалар белгилаб берилди.

Худудларда аҳоли, жумладан, хотин-қизлар бандлигини таъминлаш, уларнинг меҳнат ҳуқуқларини рўйбага чиқаришга доир вазифалар ижроси худудий партия ташкилотларининг диққат марказида бўлмоқда. Яқинда

Анджон вилояти партия кенгаши фаоллари Марҳамат туманида бу борада амалга оширилаётган ишларни ўрганди.

Ўрганишларда аён бўлдики, Марҳамат тумани хотин-қизлар кўмитаси томонидан 2019 йил учун мўлжалланган "йўл харитаси" асосида туман бандликка кўмаклашиш маркази билан ҳамкорликда 48 та маҳалла фуқаролар йиғинида яшовчи ишсиз, ишлаш истагини билдирган, оғир турмуш шароитида яшаётган 58 нафар хотин-қизлар бор экан. Секторлар кесимида уларнинг бандлигини таъминлаш бўйича манзилли дастур ишлаб чиқилиб, 22 нафари жамоат ишларига жойлаштирилди.

— Бандлик масаласида муаммомиз йўқ, — дейди туман ҳокимининг ўринбасари, туман хотин-қизлар кўмитаси раиси Маъмурахон Сотволдиева. — Кичик бизнес субъектлари томонидан яратилаётган иш ўринлари тадбиркорларга берилаётган имкониятлар самарасидир. Йилнинг ўтган даврида 32 нафар тадбиркорлик фаолиятини бошлаш истагидаги аёлларга тижорат банклари томонидан 1 миллиард 315

Ишлаётган... ишсизлар



миллион, Хотин-қизларни ва оилани қўллаб-қувватлаш жамоат фонди томонидан 125 миллион сўм кредит маблағлари ажратилди. Март ойининг ўзига вақтинча ишсиз бўлган 143 нафар аёл ишга жойлаштирилди.

Юқоридаги рақамлар бир қарашда қувонарли. Жойларда бу борадаги рақамлар қандай акс этмоқда? "Иқбол Мингтепа жилоси" хусусий корхонаси 2014 йилда ташкил топган. Февраль ойида 20 миллион сўм молиявий кўмак берилган. Маълумотларда жорий йилнинг ўзига 13 нафар хотин-қиз мазкур корхонага ишга қабул қилинганлиги қайд этилган. Аммо уларнинг ярми иш жойида

эмас. Корхона раҳбари Икболлой Исроилова "Бугун кўпчилиги дам олмоқда", дея оддийгина изох беришдан нарига ўтмади. Маош тўланаётган бўлса-да, янги ишга қабул қилинганларнинг меҳнатидан ноқонуний фойдаланилмоқда. Уларнинг ишга қабул қилинганлиги тўғрисида ҳалигача буйруқ чиқарилмаган.

"Ишчиларнинг ҳужжатлари бизда", — дея масалага аниқлик киритмоқчи бўлган туман бандликка кўмаклашиш маркази раҳбари Абдуқаҳҳор Сайдахмедовнинг сўзларидан, очиги, қониқмадик... Бизга "Миришкор", "Алитепа", "Бозорбоши", "Қорақўрғон" ва "Бобохурросон" маҳалла фуқаролар

йиғинлари ҳудудида фуқаролар бандлигини таъминлашга эҳтиёж катта эканини назарда тутиб, ушбу МФЙларда алоҳида янги иш ўринлари ташкил этилаётганини маълум қилишди. Афсуски, бу масалада ҳам қозғоғдагиси амалдагисига тўғри келмади.

"Қорақўрғон"да тадбиркор Саидқамал Қорихонов томонидан шу йилнинг январидан трикотаж маҳсулотлари ишлаб чиқаришга ихтисослашган кичик фабрика ташкил этилди. Маҳсулотлар ички бозорда ўз харидорларини топмоқда. Даромади ҳам кўнглидагидек. Лекин ишчиларнинг қонуний манфаатларини ҳимоялашга келганда масъулиятни зиммасига олиши ҳеч ким истамаётгандек. Ойига 300 миң сўмдан маош олаётган чеварлар ишли бўлганидан хурсанд. Аммо уларнинг меҳнат фаолияти қачон қонунийлаштирилади? Яна соҳа мутасаддиларига юзландик. Яна жавоб йўқ.

"Қовунчи" МФЙда яшовчи аҳолининг 2700 нафари хотин-қизлар. Айна вақтда уларнинг 41 нафари вақтинча ишсиз. Аёллар тадбиркорлигини

ривожлантириш МФЙ фаолларини қизиқтирмайди чоғи. Буни "қовунчи"лик хотин-қизлар орасида айтарли тадбиркор йўқлиги ҳам кўрсатиб турибди.

— "Хар бир оила — тадбиркор" дастури асосида ўтган йили Г.Ўтановага кредит берилган, ҳозир у ўз уйида чеварлик қилмоқда. — деди МФЙнинг хотин-қизлар билан ишлаш ва оилада маънавий қадриятларни мустақамлаш бўйича мутахассиси Насибхон Мақсудова.

Биргаликда тадбиркор чеварнинг хонадониди бўлганимизда, афсуски, берилган имкониятдан, тикув машинасидан мақсадли фойдаланилмаётгани аён бўлди.

"Шахристон" ва "Қорақўрғон" МФЙларида ҳам бир неча оилаларни ишсизлик муаммоси қийнаб келмоқда. Токи туман ҳокимлиги ва бандликка кўмаклашиш маркази мутахассислари жойларга чиқиб, амалий иш қилмагунча бу муаммолар ўз ечимини топиши даргумон.

Аёллар тадбиркорлигини ҳар томонлама қўллаб-қувватлаш, уларнинг интилиши ва ташаббусларини рағбатлантириш, бандлигини таъминлаш, меҳнат шароитини яхшилашга алоҳида эътибор қаратилаётган бир вақтда Марҳаматда бу масалага панжа орасидан қаралаётганини қандай тушуниш мумкин?

Акбаржон НАЗАРОВ,
Анджон вилоят кенгаши
матбуот котиби

**ДЕПУТАТ
АРАЛАШГАЧ**

Худудларда партия депутатлари ва фаолларидан иборат ишчи гуруҳлари томонидан Ўзбекистон "Адолат" СДПнинг "Адолат — қонун устуворлигида" лойиҳаси доирасида амалга оширилаётган ишлар одамларнинг ҳаётдан рози бўлиб яшашини таъминлаш, уларнинг турмуш шароитларини яхшилашга қаратилган.

Таъминот яхшиланади

Учқўприк туман партия кенгаши ишчи гуруҳи "Буйрак" МФЙда ана шундай ўрганишлар олиб борди. Ўрганишларда ушбу маҳаллада ичимлик суви қувурларини таъмирлаш зарурлиги аён бўлди. Депутат аралашуви билан масъул ташкилот томонидан муаммо ҳал этилиб, ичимлик суви таъминоти яхшиланди.

Бешариқ туманида олиб борилган ўрганишларда фуқаролар "Чинобод" МФЙдаги "Нури йўл" ва "Янги ҳаёт" кўчаларини асфальтлашга кўмак сўрашди. Мазкур муҳожат юзасидан туман йўллардан фойдаланиш унитар корхонаси раҳбарига депутатлик сўрови юборилди.

Қувасой шаҳрида иш олиб бораётган ишчи гуруҳимизнинг навбатдаги ўрганишлари "Намуна" МФЙда ўтказилди. Ў.Каримова фуқаро Г.Қаҳҳорованинг кам таъминланганлиги сабаб моддий ёрдам олишда учраётган муаммолар тўғрисидаги муҳожати юзасидан шаҳар молия бўлимига депутатлик сўрови юборди. **С.Йўлдошевнинг қишлоқда ёшлар учун спорт мактаби ёки спорт зали барпо этилиши бўйича берган таклифи юзасидан эса халқ депутatlari шаҳар Кенгаши депутати Ж.Нозимов томонидан шаҳар ҳокимлигига депутатлик сўрови чиқарилди.**

Мутасадди ташкилотларга киритилган депутатлик сўровлари ижроси назоратга олинди.

Нурбек МИРЗАЕВ,
Фарона вилоят кенгаши матбуот котиби

МУСОБАҚА

Ўзбекистон "Адолат" социал-демократик партияси Сиёсий Кенгаши ва Ўзбекистон Белбоғли кураш федерацияси томонидан аҳолини, айниқса, ёшларни жисмоний тарбия ва спорт машғулотларига доимий жалб этиш, улар ўртасида соғлом турмуш тарзини тарғиб қилиш, мамлакатимизда белбоғли кураш спорт турини оммалаштириш ва янада ривожлантириш мақсадида ушбу спорт тури бўйича "Адолат кубоги" республика мусобақасини ўтказиш белгиланди. Айна пайтда мазкур мусобақанинг худудий босқичи кўтаринки рунда бўлиб ўтмоқда.

Ёш полвонлар "Адолат кубоги" учун беллашди

САМАРҚАНД. Тайлоқ туманидаги Олимпия захиралари спорт коллежида белбоғли кураш бўйича "Адолат" кубоги учун республика мусобақасининг Самарқанд вилоят босқичи бўлиб ўтди. Унда вилоятнинг шаҳар ва туманларидан 6 вазн тоифаси бўйича 200 нафар спортчи иштирок этди.

Даставвал шуни таъкидлаш лозимки, вилоятда партия фаолларининг ташаббуси билан бадий гимнастика, хотин-қизлар ўртасида футбол бўйича "Адолат" кубоги учун мусобақалар ўтказилиши аллақачон анъанага айланган. Эндиликда партия Сиёсий Кенгашининг Ўзбекистон Белбоғли кураш федерацияси билан имзолаган меморандумига мувофиқ белбоғли кураш спорт турини ривожлантиришга ҳам алоҳида эътибор берилмоқда. "Адолат" кубоги учун мусобақаларнинг кўйи босқичлари яхши тайёргарлик кўрилган ҳолда ўтказилгани туфайли ҳозирданок кўплаб қобилиятли полвонлар аниқланмоқда.

Тумандаги Олимпия захиралари спорт коллежида бўлиб ўтган мазкур беллашув ҳам кўплаб янги иқтидор эгаларини кашф этди, десак янглишмаймиз. Дастлаб 2000, 2001, 2002 йилларда туғилган ўсмир спортчилар ўз маҳоратларини намойиш этиш учун майдонга тушганларида залда томошабинлар, устоз-мураббийларнинг олқишлари барчани руҳлантирди. Чунки голиблик учун рақиб билан бел олишган ҳар бир ўсмир қаққон харакатлари ва спортнинг бу



қадимий, миллий турининг талаб, мезонларини пухта ўзлаштириб олганлигини яққол намоён этдилар.

Мусобақа жараёнида Тайлоқ тумани вакиллари ҳар томонлама жиддий тайёргарлик кўрганликлари аён бўлди. Улар бир йўла беш вазн тоифасида голиблик шохусасининг энг юқори поғонасига кўтарилишди. Хусусан,

Шаҳзод Эргашев (55 кг.), Шаҳзод Давронов (60 кг.), Улуғбек Толипов (65 кг.), Арслон Раҳимов (71 кг.) ва Аббос Тожиёв (77 кг.) биринчи ўринга сазовор деб топилди. Мусобақанинг 81 кило вазн тоифасида Нуробод тумани катнашчиси Музроб Элмирзаев 1-ўринни эгаллаб, мусобақанинг финал босқичига йўлланмани қўлга киритишди.

Голиблар Ўзбекистон "Адолат" СДП Сиёсий Кенгашининг кубоги, 1-даражали дипломлари ва қимматбаҳо эсдалик совғалари билан тақдирланди. Совринларни "Адолат" СДП Сиёсий Кенгаши раиси ўринбосари А.Раҳмонов ва Ўзбекистон Белбоғли кураш федерацияси вилоят бўлими раҳбари Б.Бердиқуллов тантанали равишда топширди.

НАМАНГАН вилоятида спортнинг кураш тури ҳақида сўз кетганда, биринчи навбатда, тўрақўрғонлик полвонлар тилга олинади. Бу бежиз эмас, албатта. Мазкур туман азалдан ўзининг кураги ерга тегмай, вилоят, республика, қитъа ва жаҳон миқёсидаги мусобақаларда юқори натижаларга эришган полвонлари билан машҳур бўлиб келган. Улардан бири Тўйчибой Сиддиқовдир. У ўтган асрнинг иккинчи ярмида бутун Марказий Осиёда таникли курашчилардан бири саналган. Шунинг учун бугунги кунда кўплаб ёшлар унинг изидан бориб, миллий, юнон-рум, белбоғли кураш, дзюдо, самбо каби спорт турлари билан шуғулланмоқдалар.

— Тўрақўрғондаги болалар-ўсмирлар спорт мактабида бугунги кунда уч миңга яқин ўғил-қиз таълим олмоқда, — дейди Ўзбекистон "Адолат" СДП Наманган вилоят кенгаши раиси Исроил Жўраев. — Улар орасида белбоғли курашга меҳр қўйган ёшлар ҳам кўп. Мактабдан мазкур спорт тури бўйича кўплаб чемпионолар етишиб чиқмоқда. Ушбу таълим масканида нафақат тажрибали мураббийлар, балки малакали ҳакамлар ҳам етарли. Мактабнинг спорт иншоотларида мамлакат миқёсидаги мусобақаларни ўтказиш имконияти яратилган.

Айнан мана шу шарт-шароитлардан келиб чиқиб, белбоғли кураш бўйича "Адолат кубоги"нинг вилоят босқичини Тўрақўрғонда ташкил этиш мақсада мувофиқ деб топилди. Ушбу беллашувларда шаҳар ва туманларда ўтказилган қўйи босқичи голиблари қатнашдилар. Уларнинг гиламда олиб борган бахслари вилоятда спортнинг белбоғли кураш турини янада оммалаштириш, иқтидорли полвонларни саралаш ва рағбатлантириш борасида кўламли ишлар амалга оширилаётганидан далолат беради.

"Адолат кубоги" мусобақасининг вилоят босқичида Наманган шаҳри ва тўққизта туман жамоаси вакиллари голиблик учун астойдил ҳаракат қилдилар. Ҳар бир вазн тоифасида навқон полвонлар ўртасидаги беллашувлар ўзининг мурасасизлиги ва кескинлиги билан ажралиб турди. Шуни айтиш кераки, дастлабки саралаш учрашувларидан кейинок мезонлар рақибларига қараганда ҳар жиҳатдан устун эканликларини кўрсатдилар. Тўрақўрғонлик ёш курашчиларнинг барчаси финал йўлланмасини қўлга киритгани эътиборга молик. Нафақат мутахассислар, балки муҳлислар ҳам ёш полвонларнинг маҳоратига, техник ва тактик тайёргарлигига юқори баҳо беришди.

Ҳал қилувчи беллашувларда эса тўрақўрғонликларнинг рақиблари ҳам мусобақага пухта ҳозирлик кўрганини намоён этишди. Уйчи туманидан Абдулахад Носиров, Наманган шаҳридан Жамшид Ортиқалиев ва Поп тумани иштирокчиси Шохруҳ Раҳимов, Тўрақўрғон туманидан уч полвон — Жаҳонгир Хайитов, Бехзод Раҳматуллаев, Зиёдулла Турсунбоев ўз вазн тоифаларида шохусаннинг биринчи поғонасини эгаллаб, мусобақанинг республика босқичига йўлланма олдилар. Умумжамоа ҳисобида биринчи ўрин эса Тўрақўрғон тумани вакилларига насиб этди.

Голибларга диплом ва эсдалик совғалари топширилди.

Зоҳир ТўРАҚУЛОВ,
"Adolat" мухбири,
Нурбек АБДУЛЛАЕВ,
Наманган вилоят кенгаши матбуот котиби

"Аҳмад ал-Фарғоний авлодлари"

Фарғона вилояти Олтиариқ туманида ташкил этилган
нодавлат таълим муассасаси ана шундай номланди

Дунё хабарлари



Қисқа сатрларда

"Казинформ" хабар беришича, Қозоғистон президентидаги номзодлар кўрсатиш жараёни 2019 йилнинг 10 апрелидан бошланади, 28 апрелгача давом этади.

Конунда назарда тутилган жамоат уюмлари президентликка номзодни илгари суриш ҳуқуқига эга.

Номзод сайловчиларнинг камида бир фоизи миқдорда имзо тўплаши лозимлигини, номзоднинг сайлов-олди ташвиқоти 11 майдан бошлангани маълум қилди мамлакат марказий сайлов комиссияси раиси ўринбосари Константин Петров.

Тожикистон Жаҳон банкидан Роғун ГЭСи қуриб битказилиши учун хорижий инвестицияларни жалб қилиш мақсадида ёрдам сўради.

Миллий банк матбуот хизмати тарқатган хабарга кўра, Тожикистон Миллий банки раисининг биринчи ўринбосари Жамолиддин Нуралиев Роғун ГЭСи "минтақа давлатлари арзон электр энергия билан таъминлаш йўлида" муҳим минтақавий аҳамиятга эга эканини таъкидлади. У Жаҳон банки вакилларига мурожаат қилиб, Роғун гидроузели қурилиши бўйича лойиҳани ҳаётга татбиқ этишда хорижий инвестицияларни жалб қилишга хисса қўшишга чақирди.

Молия вазирлиги хабарига кўра, Тожикистон шу кунга қадар ўзининг маблағлари ҳисобига Роғун ГЭСини қуриб келган. 2019 йилда мамлакат бюджетидан 2 миллиард 100 миллион сомони (222 миллион АКШ доллари) ажратилди. Утган йили гидроэлектр станция қурилиши учун 4,7 миллиард сомони сарфланган эди, шундан 3,4 миллиард сомони бюджет маблағлари ҳисобидан ва қолганлари эса 2018 йилда Тожикистонга ажратилган евробондлар ҳисобидан қопланган.

Роғун ГЭСи 6 агрегатдан иборат бўлади ва ишга туширилгандан кейин бир йилда 17 миллиард кВт энергия ишлаб чиқаради. Ҳукуматнинг фикрича, бу нафақат Тожикистонни арзон электр энергия билан таъминлаш, балки қўшни Афғонистон ва Покистонга электр энергияси экспорт қилишга имкон беради.

Reuters хабарига кўра, сайлов бюллетенларининг 96 фоизи ҳисоблаб чиқилганидан сўнг Исроилда бўлиб ўтган парламент сайловларида бош вазир Биньямин Нетаньяху раҳбарлик қиладиган "Ликуд" партиясининг олдинда бораётгани маълум бўлди. Партия вакиллари Кнессетдаги 37 та ўринни қўлга киритди.

Бош штаб собиқ бошлиги Бени Ганцнинг муҳолифатдаги «Кахоль-Лаван» блоки битта кам — 36 та мандатга эга бўлди. Маълумотларга кўра, «Ликуд» ва унинг ўнг марказ коалициядаги ҳамкорлари Исроил парламентидаги 120 та ўриндан 65 тасини эгаллайди.

Reuters хабарига кўра, 11 апрелда Ҳиндистон парламенти қўйи палатаси — Лок сабҳага сайловларнинг 1-дорасини 20 та штатда ва мамлакат билан қўшни ҳудудларда бошланди. Унда асосий кураш икки сиёсий куч: амалдаги бош вазир Нарендра Моди томонидан бошқарилувчи ҳукмрон "Бхаратианата парти" ва Ҳиндистоннинг энг нуфузли клани Неру-Ганди вакили Рахул Ганди бошчилигидаги "Ҳинд миллий конгресси" ўртасида кечили айтилмоқда. Асосий интрига Моди партиясининг 2014 йилдаги муваффақиятини қайтариб, Моди қаторасига иккинчи мунддатда бош вазир курсисини эгаллаш йўли-йўқлигидан иборат.

Овоз бериш 29 штат ва 7 та иттифоқдош ҳудудда 11 апрелдан 19 майгача 7 босқичда ўтади. Сайловчилар кўпчилиги сабабли овозларни ҳисоб-китоб қилиш 23 майда якунланиши кутилмоқда.

Интернет хабарлари асосида тайёрланди.

БИЛИБ ҚЎЙГАН ЯХШИ

Ток ўсимлиги антракноз касаллигига чалинганда унинг барча яшил қисмлари зарарланади.

Ток баргидаги доғлар

Токнинг барглари котиши мумкин, уларда кўпгаб думалоқ, майда, қизғиш доғлар пайдо бўлади, баъзи доғлар бир-бирига қўшилиб кетади. Вақт ўтиши билан доғлар нотўғри думалоқ, кўп қиррали шакл, ўртаси оқ кулранг тўси олади, атрофда қизғиш ёки қўнғир ҳошиясини бўлади. Доғларнинг ўртаси қуриб тушган, баргда тешиқлар пайдо бўлади. Ёш барглар касалликка ўта чидасиз, улар кўчи зарарланади ва новдаларнинг учи томонини қўйганга ўхшаб қолади. Томирлари зарарланган барглари қуриб, тўқилади.

Антракноз касаллигига қарши курашда, аввало, профилактикага эътибор бериш лозим. Хусусан, экиш учун фақат соғлом қаламчаларни ишлатиш, уларни экишдан олдин темир сульфатининг 10 фоизли ёки нитрафеннинг 3 фоизли эритмасига ботириш; янги тоқзорлар яратишда ниҳолларни ерости суви яқин жойларга эмаслик керак.

Антракнозга қарши қўйидаги фунгицидлардан қўллангани: Бордо суюқлиги (мис купороси бўйича 10-15 кг/га, 1% ли эритма), Вектра 10% сус.к. (0,3 л/га), оҳак-олтингурт қайнатмаси (0,5-1%), темир купороси 53% э.қ. (30-40 кг/га, даракт кўртак ёйғунча ва стидидаги тупроққа 2-3% ли эритма) ва Фолликур БТ 22,5% э.к. (0,25 л/га). Тажрибаларда Альто Супер 33% э.к. (0,3 л/га), Импакт 25% э.к. (0,2 л/га), Вектра 10% сус.к. (0,3 л/га), Бампер 25% э.к. (0,25 л/га) ва Торсо 22,5% э.к. (0,15 л/га) фунгицидлари антракнозга қарши юқори (барг ва мевада 89,5%, пояда 95% гача) самара бергани кузатишган. Баҳорда ёш новдалар узунлиги 5-10 сантиметрга етганида ёки 2-3 та барг пайдо бўлиши билан бордо суюқлиги ёки бошқа самарали фунгицид пурқаш ва касаллик ривожланишини ҳисобга олган ҳолда, зарурат тугили, 7-10 ва 14-20 кундан кейин ишловни такрорлаш мақсада мувофиқдир.

Б.ХУЖАМУРАДОВ, Ф.ТУРҲУНОВ,
"Тошкент-Аэропорт" ўсимликлар карантини
чекра маскани инспекторлари

Давоми.
Бошланғичи 1-бетда

Шу боис давлатимиз раҳбарининг қарори ва Вазирлар Маҳкамасининг 2018 йил 27 мартдаги қарори билан тасдиқланган "Нодавлат таълим хизматлари кўрсатиш соҳасидаги фаолиятни лицензиялаш тартибини такомиллаштириш тўғрисидаги низом" асосида нодавлат таълим муассасаси ташкил қилишда амалий ёрдам сўраб Олтиариқ туманида ўтказилган сайёр қабулда Фарғона вилояти прокурори Садриддин Турдиевга мурожаат қилди. Албатта, вилоят прокуратураси томонидан унинг бу хайрли ташаббуси қўллаб-қувватланиб, янги муассасаси учун Олтиариқ педагогика коллежи билан бир қисми ва 120 ўринли

лар ва 2 тадан 4-8-синфларда 250 нафар ўқувчи 53 нафар устоз-мураббийлар (шундан 6 нафари Халқ таълими аълочилари) қўлида таълим-тарбия олмақда. Ҳар бир синфга 20 нафардан ўқувчи қабул қилинган. Эътиборлиси, ҳар куни соат 08:00да ярим соатлик бадантарбия ўтказилади. Кейин 5 соатлик дарс машғулотлари давом этади. Нодавлат таълим муассасаси бўлгани учун уйдан қатновчи ўқувчилар 426.000 сўм, 80 нафар ётоқхонада яшовчилар 628.000 сўм миқдориди ойлик тўловни амалга оширишади.

— Ёнг муҳими, ҳар чоракда ўқувчилар билимини синовдан ўтказиб, яхши ўзлаштирилмаганлари билан кўпроқ ишлаши-



Ш.Корабев олган суратлар

тованинг дарсидими. Ўқитувчи болажонларни ўзига жалб қилиш учун дарсини шеърли мисралар билан бошлайди: **Менинг жажжи ва зукко ўқувчиларим, Жавдираб кўзимга боқувчиларим. Баъзида чуғураб қолувчиларим, Дилга илҳом ўтин солувчиларим. Ўзим ўрғилайин кўзларингиздан, Беғубор кулгучли юзларингиздан. Отриманг, берсам мен даққи, Истагим билимизгиз бўлмасин чакки.**

Бунга жавобан ўқувчилар жўр бўлишади: **Халқимиз хизматида бори бўламиз, Белдаги белбоғи, ори бўламиз.**

Шундан сўнг дарс жараёни илғор педагогик услублар асосида давом этади. Умуман олганда, янги муассасида дарсларни ўзлаштиришига қараб 1-5-синфлар ўқувчилари "Мактаб ифтихори", 5-6-синфлар "Кўк билет", 7-8-синфлар эса "Қизил билет" рағбатлантирувчи мукофотлари билан тақдирланади.

Бундан ташқари, "Аҳмад ал-Фарғоний авлодлари" мактаби ўқувчилари Ўзбекистон мудофасига кўмаклашувчи "Ватан-

парвар" ташкилотининг вилоят кенгаши билан ҳамкорликда ташкил қилинган 5 та спорт-соғломлаштириш тўғарақлари жалб қилинган. Яқинда ушбу таълим масканида "Парашютдан сакраш" тўғараги ҳам йўлга қўйилиши режалаштирилмоқда. Чораклик таътиллаш мобайнида ўқувчилар учун вилоят музейлари бўйлаб саёҳатлар уюштирилди. Қолаверса, 9000 та китоб фондига эга бўлган мактаб кутубхонаси ҳамма ўқувчилар билан гавжум. Зеро, спорт ва маънавиятга ошно бўлган бола берилаётган билимларни пухта эгаллайди. Айни пайтда ҳудуднинг 40 нафар боғча бормаган болалари тайёрлов синфларида мактабга тайёрланмоқда.

Дарвоқе, Президентимизнинг юқоридаги қарорига мувофиқ, нодавлат таълим муассасаси томонидан фойдаланилган электр энергияси ва табиий газ ҳақининг 50 фоизи давлат томонидан тўла берилаётгани ҳамда муассасаси барча турдаги солиқлардан озод этилгани ҳам эътирофга молик.

Хуришд СУЛТОНОВ,
журналист

БИРИДА ЯХШИ, БИРИДА АКСИ...



ётоқхонаси ижара асосида ажратилдиган бўлди. 2018 йил 27 августда Вазирлар Маҳкамаси ҳузуридаги таълим сифатини назорат қилиш давлат инспекцияси томонидан тегишли лицензия берилиб, 2018 йил 5 сентябрда "Аҳмад ал-Фарғоний авлодлари" нодавлат таълим муассасаси ўз фаолиятини бошлади.

Шуни алоҳида таъкидлаш лозимки, мактаб рус, инглиз ва корейс тилларига ихтисослашган бўлиб, 1 тадан 1-3-синф-

мизга, айримларини эса ўзи илгари ўқиган умумтаълим мактабларига қайтариб юборишимизга ҳам тўғри келяпти. Албатта, бу ҳолат ўқувчиларни янада тиришқок бўлишга ундаши баробарида ота-оналарга ҳам жуда маъқул бўлмоқда, — дейди муассасаси раҳбари Умидахон Мирзохидова.

Муассаса раҳбари бизни машғулот жараёнини кузатишга чорлади. Бошланғич синф ўқитувчиси Пўлатхон Ҳожима-

Уч-тўрт хонадон мактабга, ё мактаб хонадонларга қўшилиб кетганим, ўртада девор йўқ. Кўчадан бирор кимса мактабга кирса, ёки ўйнароқ ўқувчи кўчага чиқиб кетса, ҳеч ким билмайди. Мана, сизга мактабнинг "закрытый"лиги. Ён қўшнилари бир неча йиллардан бери мактабдан сув олиб, фойдаланар эканлар. Сув учун ўлчаси ўрнатилган ўрнатилмагани эса билолмадик. Ўрнатилган бўлса, бу қандай хотамтойлик бўлди экан? Ённинг қарши сув хавзаси тозаланмаган. Спорт залидаги 6 та матрасдан учтаси ярқисиз. Ечиниш хонаси қурилиш моллари омиборхонасига айлантилган. Машқдан сўнг ювиниш хонаси йўқ. Биринчи қаватдаги ўқув синфлари йўлакларни гард юқмаган, тоза. Иккинчи қаватда эса аҳвол гоят ачинарли. Биз мактаб ҳудудига ҳужжат асосида зўрға кирган бўлсак, жик соатдан сўнг ёш қари дарвозадан бемалол кириб чиқаётганини кўриб, ҳайрон қолдик. Суриштирсак, "Мустақиллик" МФЙ идораси ихтисослаштирилган мактаб ҳудудига жойлашган экан...

Ҳужжатлар асосида Оққўрғон, Қуйи Чирчиқ коллежларига юборилган битирувчиларнинг ҳаёти билан қизиқдик. Бизга берилган ҳужжатда мактаб битирувчиси Аббос Анорбоев Оққўрғон қурилиш ва коммунал олинб кетилмаганидан атрофни бадбўй хид тутиб кетган. Ҳолатхона ҳақида гапирмасам бўлади...

— Маҳалла идораси мисоли карвонсарой. Идорага ўз муаммоларини, дардларини айтиб, турфа кишилар чиқшади. Улар ўртасида ҳар хил тортишув, жанжаллар ҳам юзага келади. Мактаб ўқувчилари буларни кўрмайди, эшитмайди дейсизми? Албатта, бу нохуш ҳолатлар уларнинг тарбиясига таъсир этмасдан қолмайди. Идорамизни бошқа жойга кўчирилганини сўраб, ҳокимиятга мурожаат қилганимиз. Бу муаммо жорий йилда ҳал қилинади, — дейди маҳалла котибаси Камола Ғофурова.

Мактаб ҳудудини айланиб юрганимизда, ўқитувчилардан бирини суҳбатга тордик. Ундан кейинги тўрт ойда мактабда қандай ўзгаришлар амалга оширилганини сўрадик. — Раҳбарлардан сўранг, — деди у ва кейин исм-шарифини ошкор

этмаслигимизни илтимос қилиб, сўз бошлади. — Агар гапларимни ёзиб олмасангизлар, айтаман. Сизлар келиб кетадиган одамсизлар. Биз эса мактабда ишлашимиз керак.

— Келишдик. — Сизлар келиб-кетганингиздан кейин икки марта раҳбар ўзгарди. Янги раҳбаримиз олдингиларга ўхшаб ўтиргани йўқ. Қўриб турибсиз, ёриткичлар ўрнатилди, ярқисиз мосламалар йўқ қилинди, болаларнинг қўл ювадиган жойи таъмирланди. Ҳозирги раҳбар Фулом Норматов ўзи ишлаб, биздан ҳам ишлашни талаб қилапти. Мактабда шифокор йўқ эди. Ҳозир бор...

— Исми Фаррух, — деди янги иш бошлаган шифокор биз билан суҳбатда.

— Фамилиянгиз-чи? — ... Нима учун сўраяпсиз? 6 ойдан бери болалар тиббий кўридан ўтмаганлиги сабабли ўқувчилар орасида қичима касаллик тарқалган. Ишим кўп, узр, — у шундай деб чиқиб кетди.

Шифокор нима учун ўзини таништирмаганлигини сабабини эса тушунмадик.

Хулоса шуки, мактабда камчиликлар етарли. Лекин ўзгаришлар бошланганидан ҳам кўз юмиб бўлмайди. Лекин бу ўзгаришлар керакли натижани берадими? Мактаб жамоаси текшир-текширдан чарчаган, туман ҳокимияти ва мутасадди раҳбарлардан, вилоят халқ таълими бошқармасидан амалий ёрдам кутмоқда. Агар мутасадди раҳбарлар қўли қўлга бериб, ўғай маърифат масканига айланган 78-сонли ихтисослаштирилган мактаб-интернат муаммоларига эътибор қаратишса, эҳтимол аҳвол тубдан ўзгарар?

Даврон АХМЕДОВ,
халқ депутатлари Тошкент
вилояти Кенгаши ҳузуридаги
жамоатчилик назорати
гурӯхи аъзоси

Маърифат масканида аҳвол ўзгарадими?

Халқ депутатлари Тошкент вилояти Кенгаши ҳузуридаги жамоатчилик назорати гурӯхи номига фуқаролардан келган хат ва мурожаатлар асосида 2018 йилнинг ноябрь ойида Оққўрғон тумани 78-сонли ихтисослаштирилган мактаб-интернатдаги ўқувчиларнинг мактабни битирганларидан кейинги тақдирини ўрганиш мақсадида йўлга чиқдик. Ҳокимиятдан бизга туман вояга етмаганлар ишлари бўйича комиссияга масъул ходим Ёруллоҳ Сариколов ҳамроҳлик қилди. Ўқув масканининг олд томони девор билан ўралган бўлиб, темир дарвоза тепасига кузатув камераси ўрнатилган. Атроф баннерлар билан безатилган. Мактабда тартиб-интизом қаттиқ экан-да, деб ўйладик. Ташқарида беш дақиқадан ортиқ кутдик. Дарвоза олдида кутиб олган ёш йигит бизни саволга тутди.



— Юқоридан "разрешения"ларингиз борми? Мактабимиз "закрытый"лигини биласизми? "Что", сизларга "жалоб" тушдими? "Документ"ларингизни кўрсат бўладими? Узимизни таништирдик, ҳужжатларимизни кўрсатдик.

— "Давно бы так сказали", — дея йўл бошлади у.

Мактабнинг олд қисми тозаланиб, ўқувчиларнинг серсаломлигини кўриб, хурсанд бўлдик. Қабулхона кирдик. Директор вазирадасини бажарувчи Бахтиёр Сафаров жойида йўқ экан.

— Мен маънавият ишлари бўйича директор муовини Алишер Муҳаммадулов бўламан, — деди қабулхонада турганлардан бири. Алишер акадан 2015-2016-2017 ўқув йилларида мактабни битириб кетганлар ҳақидаги маълумотни сўрадик. Бизга тақдим этилган чала ҳужжатлардан нус-

ха олиб, мактаб ҳудудини айландик. Аввал бинойидек қўрилган масканда камчиликлар кўзга ташлана бошлади. Аввало, ённинг қарши жамланма кўтисиди синиқ белкурақдан бошқа нарса йўқлиги маълум бўлди. Спорт майдончасидаги жиҳозлар қийшайиб, ярқисиз ҳолга келган. Иссиқлик тизимидаги шиша тола қопламалари сочилиб ётибди. Учта ичимлик суви жўмрагидан сув оқиб ётганлиги ҳам бизни ажаблантирди. Болалар майдончасидаги сирпаниш мосламаси ярқисиз, ундан фойдаланган болаларнинг шикастланмаслигига қафолат йўқ. Чирган симёғочлар қийшайиб ётибди, ёриткичлар ишламайди. Мактаб ҳудудидан чикиндилар ўз вақтида олиб кетилмаганидан атрофни бадбўй хид тутиб кетган. Ҳолатхона ҳақида гапирмасам бўлади...



ПУБЛИЦИСТИКА

МУНОСАБАТ

Эзгулик куйчилари

Яқинда Жанубий Кореянинг "КБС" телекомпанияси Самарқандда миллий анъана ва қадриятлар ҳамда хорижда орттирган билим ва тажрибаларини ишга солиб, элга хизмат қилаётган тадбиркор юртдошимиз Қобилжон Саидахмедов ва унинг oilаси ҳақида фильм суратга олди.

БИРИНЧИ ҲИКОЯ

Фильм қаҳрамони — Қобилжон Саидахмедов қарийб ўн етти йилдан сўнг туғилиб ўсган юрти Жомбой туманининг "Сарой" қишлоғидаги oilаси бағрига қайтади. Ўн етти йил муқаддам кичкина жомадонни қўлига олиб Жанубий Кореяга иш излаб кетган Қобилжон энди Самарқандга юрт манфаати учун ўз бизнес лойиҳасини амалга ошириш мақсадида келди.

Жанубий Кореянинг "Корея волнуд индустри" компанияси Қ.Саидахмедовга Самарқанд вилоятининг лалмикор, дашт худудларида интенсив ёнғоқзор барпо этиш бўйича қўшма корхона ташкил қилиш хусусида ўз ҳамкорлигини тасдиқлади. Мазкур корхонанинг истиқбол ҳақида гапиришдан аввал Қобилжон Саидахмедов қандай қилиб Жанубий Кореянинг бизнес доираларини эътиборига тушгани ва у хорижда яшаб нималарга эришгани ҳақида қисқача фикр юритсак.

— Хорижда ўтган ҳар кун, ҳар ой, ҳар бир йил мен учун ўзлигимни англаш сари қўйилган синопатли қадамлар бўлди, — дейди сўхбатдошимиз Қ.Саидахмедов. — 2001 йил Сеулдаги Ён Се хорижий тиллар университетига ҳужжат топширган эдим, омадим чопиб, ўқишга қабул қилдим. Шундан сўнг ҳам ўқиш, ҳам сармомя топиш учун ишладим. Кабель заводига, хусусий иссиқхоналарда сабаот этиштиришда, чиндиларни қайта ишлаш корхоналарида сараловчи бўлиб меҳнат қилдим.

Мухими, корейс тилини мукамал ўрганиб олдим. Тил билганим бизнес юришишимнинг бирламчи шарт бўлди. Кўп ўтмай чиндиларни қайта ишловчи чоғроқ корхонага иш юритувчи қилиб тайинландим. Бу ерда бизнес юриши масъулиятини ўргандим.

Қобилжон Саидахмедов шу тарихда хорижда ўн етти йил умргузаронлик қилди. Ўзбекистондан Жанубий Кореяга иш излаб борган ватандошларимизга ҳуқуқий ёрдам кўрсатиладиган марказ ташкилотчилиги бўлди. Турли компанияларда, бизнес тузилмаларда меҳнат қилди. Сабаотчиликда, богдорчиликда корейс технологиялари билан чуқур таниди.

Юқори ҳосилдорликка ва экспортга қайси йўллар билан эришиш мумкинлигини тушуниб етди. Ниҳоят Корея технологиясини Самарқандга кўчириш бўйича "Корея волнуд индустри" компанияси билан келишувга эришди.

— Қўшма корхонамиз учун Жомбой туманининг "Галакапа" қишлоғи худудидан ер ажратиб беришган, — дейди Қобилжон. — Биз бу ерда фермер ҳўжалиқлари учун ёнғоқ қўчаларини этиштириб берамиз. Билсангиз, ёнғоқчилик лалми ер учун кони фойда.

Эфир мойларига бой бўлган ёнғоқ фармацевтика учун муҳим хомашё ҳисобланади.

Қобилжон Саидахмедовнинг "Галакапа" қишлоғидаги ёнғоқ қўчалари этиштирилаётган дала сизга Самарқанд, Қашқадарё, Сурхондарё вилоятларидан ўнлаб фермерлар келиб, қўчат харид қилиб, тадбиркордан маслаҳатлар олишмоқда. Қўшма корхона талабига кўра интенсив ёнғоқзор барпо этиш учун Наманган, Қашқадарё ва Жиззах вилоятларида 2 минг гектардан ер ажратилгани аграр соҳадаги янгилик қай даржада кенг қўлам ва аҳамият касб этаётганидан далолат беради.

Мазкур қўшма корхона республикамиз худудида корейс технологияси асосида иссиқхоналар қуриш ва қайта тикланувчи энергия манбаларини ўзлаштириш ташаббуси билан ҳам чиқмоқдаки, буни чинакам манфаатдорликка асосланган ҳамфикрлик, ислохотлар ривожига қўшилаётган муносив ҳисса, деб баҳолаш мумкин.

— Мамлакатимиз Президентини Шавкат Мирзиёевнинг Ўзбекистонни тараққий эттириш йўлида хориждаги ватандошларимизни



ИККИНЧИ ҲИКОЯ

Хорижда ишлаб ўз юртига қайтиб келган яна бир ватандошимиз, олий тоифали врач Дилрабо Вафоқулованинг ҳаёти ҳам кўплар учун ибратли. Дилрабо Вафоқулова салкам 23 йил Самарқанддаги юқумли касалликлар шифохонасида меҳнат қилди. Самарқанд тиббиёт институтида талабаларга ўз соҳаси бўйича таълим берди. Лекин тақдир тақозаси билан беш йил муқаддам Санкт-Петербургда бориб, у ерда хусусий клиникага даволочи шифокор бўлиб ишга кирди. Ўтган беш йил ўзбек шифокорларининг малакали мутахассис, ҳозиржа-

дош шифокорни бефарқ қолдирмади. Ниҳоят у ўз истеъдодини юрт хизмати йўлида сарфлаш учун Самарқандга қайтди. Д.Вафоқулова вилоят перинатал маркази юқумли касалликлар бўлимига бошлиқ қилиб тайинланди.

— Ҳар куни бўлим ишини ташкиллаштириш билан бирга ўнлаб беморларни қабул қиламан, — дейди шифокор. — Уларга ташхис қўйман, даволайман, соғлом турмуш кечириш учун нималарга эътибор бериш зарурлигини ўқираман. Булар бир қарашда врач учун оддий ҳаёт ташвишларига ўхшаб кетади. Лекин бу ташвиш-

ВАТАНГА ҚАЙТИШ

ёки хорижда умргузаронлик қилган юртдошлар ҳақидаги уч ҳикоянинг уч хулосаси

ҳамкорликка даъват этгани ва бу борада зарур қарор, фармонлар қабул қилгани мени беҳад тўлқинландириб юборди, — дейди Қобилжон Саидахмедов. — Шу боис Ўзбекистонга қайтиб, бугун куч-қувватимни юрт ободлиги, равнақи учун сарфлашга аҳд қилдим. Энди менинг бизнесим, ғайратим, салоҳиятим аниқ мақсад йўлига қаратилганидан бахтиёрман.

Асли меҳнатсеварлик, элпарварлик, ростгўйлик ва ҳалоллик борасида ўзбек ва корейс халқларида ўхшаш фазилатлар бисёр. 2007 йилда Жанубий Кореяда бошланган кучли молиявий инқироз ва корейс халқининг бу ўқубатли синовдан чиқиш йўлидаги ҳамжихатлигига гувоҳ бўлганман. Ўшанда мен ишлаб турган "Кия" компанияси биринчилардан бўлиб касодга учраб, ўз ишчиларига маош тўлолмай қолди. Шунда корейс oilалари ҳасхий жамғармалари, тилла тақинчоқларини банкларга ўз ихтиёрлари билан топширганларини кўрганман. Иқтисодий инқироз қаршисида ўз салоҳиятини йўқотиб қўйиши мумкин бўлган ватан тақдир уларни айнан шундай олижанобликка даъват этган эди. Бугун Ўзбекистонда меҳнат қилиб, оғру бўлиб, даромад орттириб юрган ҳар бир инсон қонида айни шу фазилат гулгуриб туришини истайман.

Чунки Ватанни танлашмайди, Ватани Ватан қиладиган шу азиз тулроқда киндик қони тўкилиб улғайган инсонлар бўлади.

воб, дардқаш, бағрикенг, олижаноб инсон сифатидаги обрўини хориж клиникасида яққол намоён этди, десак сира янгилимаймиз.

— Дастлабки пайтларда беморларга ташхис қўйишда баъзи ҳамкасбларим менга беписанд қарашган, даволаш усулларини маъқуллашмаган эди. Бир йил ўзлимни исботлашим, номён этишим учун етарли бўлди. Тез орада миқозларим уч-тўрт баробар кўпайди. Бунинг боисини ҳамкасблар сўраб-суриштирганларида: "Сиз битта тилни билсангиз, мен бештасидан хабардорман: инглиз, француз, форс, озарбайжон ва рус тилида гапиришни билламан. Миқозларининг ишонч билдиришлари шунинг учун бўлса керак", дердим ҳазиллашиб.

Дилрабо Вафоқулова одам-оҳунлиги, зарур пайтда энг тўғри қарор қабул қила олиши, чуқур билим ва малакаси билан Санкт-Петербургдаги йирик клиниканинг "ўз одами"га айланди. Мазмурият унга кўпроқ маош тўлайдиган, талаб этилган иш шароитларини тўлиқ яратиб берадиган бўлди.

Лекин Россияда яшаб, тинчгина ишлаб, яхши даромад топиб юрган бўлса-да, Дилрабо туғилиб ўсган шаҳри Самарқанддан кўнгли узоқмасди. Хусусан, Ўзбекистонда фан, таълим, тиббиёт соҳаларида кейинги йиллардаги жиддий ўзгаришлар, қабул қилинган қарорлар хориждаги ватан-

лар замирида миллининг соғлом генфондини яратиш мақсади мижасамлигини ҳис этганим сайин касбимга масъулиятим янада ортади.

Хориждаги клиникада ишлаб, бир неча баробар кўп даромад топган ва зарур мавқега эришган Дилрабо Вафоқулова юрт қадрини, соғинчини ҳеч нарсага алмашиб бўлмастлигини таъкидлайди. Маҳалласидаги тоза суғрилган, чеккасига райҳон ва туффа гуллар экилган, одамлар ҳар тонг саломлашиб ўтадиган йўлак тўғри ишхонасига олиб боради. Шу йўлакдан ширин ташвишлар билан одимлаш унга ҳар сафар Ватанни гўзал қиёфада кўришга, боғу бўстонларини ардоқлашга ундайди.

УЧИНЧИ ҲИКОЯ

Ҳикоямизнинг учинчи қаҳрамони билан тасодифан танишиб қолмаганимда хориждан яхши ниятлар билан ўз юртига қайтган ватандошларимизнинг ибратли ҳикояларига яқун ясамоқчи эдим.

...Мана, хориждан имкон излаб, бахт қилириб кечган ҳаёт ҳақидаги уч ҳикоя. Ҳаёт энг яхши муаллим, дейишади. Демак, бу муаллим сўнги дамларгача инсонга сабоқ беради. Ҳаёт кимнидир эътиқодсиз, бўм-бўш қалби билан ўзга манзил мақолада яшашига изн беради. Кимларингдир эса юрагидан гурур уйғотиб, ихлос, эътиқодини чархлаб, она юртининг қорига ярашга ундайди. Ҳар сафар шундай одамларга дуч келганимда, "сиз менинг энг яқин дўстим, сидроним, маҳалладошим ва ифтихоримсиз", дегим келади. Улар бугун ижоду изланмашлардан тўхтамаган, эртаси янада саодатли, ойдin йўлини йўловчиларидир.

Зоҳир ТўРАҚУЛОВ, "Adolat" муҳбири

Китоблар орзу-истак туғдиради, ҳаётга чорлайди, кишини фикрлашга мажбур этади, мувоқамаларда мустақил бўлиш қобилиятини тарбиялайди. С.Т.Струмилин

Бугун Ер юзида тараққийёт кучайган, илм-фан юксалган, барча муаммолар илғор технологиялар воситасида ҳал қилинаётган пайтда мамлакатимизда нима учун бахшичилик санъатига алоҳида эътибор қаратилмоқда? Бахшичилик санъатини ривожлантириш билан боглиқ ҳолда ўтказилган халқаро анжумани дунё аҳли эътироф этиб, қўллаб-қувватламоқда? Бу бежиз эмас. Бунинг сабаблари бор. Чунки инсоният ҳар қандай шароитда ҳам ўзининг тафаккурига куч-қудрат берган, ҳаётни юксак тараққийёт нуқтасига олиб чиққан oilаларга — адабиёт, санъат, маданият, тарихга алоҳида эҳтиром билан қарайди.



Мақдамбой УМАРОВ, шоир, оқин

— Тилим келишмаётганига эътибор берманг, — деди у саволмуз қарашининг маъносини сезгандек. — Ахир 19 йилдан буён АҚШда яшайман. Инглизчага ўрганиб кетганмиз. Хорижда келиб зарар қилмашди. Тўртта қимматбоҳ автомашина, иккита дангиллама уйим бор. Oilамни ҳам кўчириб кетганман.

Шунинг учун ҳам Президентнинг "Халқаро бахшичилик санъати фестивалини ўтказиш тўғрисида"ги қароридан "Ҳар қайси халқнинг азалий тарихи ва маданияти энг аввало унинг оғзаки ижоди — фольклор санъатида, дoston ва эпосларида мижассам топган бўлиб, улар миллининг ўзигини англаш, унинг ўзига хос миллий қадриятлари ва анъаналарини сақлаш ва ривожлантиришда бебаҳо манба ҳисобланади", дейлади. Шундай экан, бу ўринда бахши халқ оғзаки ижодининг яратувчисигина эмас, тарғиботчиси, ўлмас дostonларни, Алпомишу Барчиной, Гўрўғлию Юнуспари, Авазхон, Бозиргон, Кунтуғмиш, Манас, Қиз Жибек, Едигей, Равшанхон қабилларнинг ибратли тарихи, тақдирини диллардан-дилларга, эллардан-элларга, тиллардан-тилларга етказувчиси ҳам ҳисобланади. Шу сабабли фольклор асарлари ҳам, унинг яратувчилари, ижрочилари ҳам ҳар қандай даврда эътибордан четда қолмаслиги керак. Қарорда бахшичилик санъатини янада ривожлантириш масаласига алоҳида эътибор қаратилганининг сабаби ҳам ана шунда.

Термиз шаҳрида халқаро бахшичилик санъати фестивалининг ўтказилиши нафақат мамлакатимиз аҳлининг, балки дунё халқларининг кўнглидаги улғу иш бўлди. Бу анжуман она заминимиздаги халқ оғзаки ижоди намояндаларининг бахшичилик йўналишидаги вакиллари билан жойга тўплади. Фестиваль доирасида бўлиб ўтган бахшиларнинг айтишувлари, мусобақалар заминидан улар ўртасида ўзаро ҳамкорликлар ҳам юзга келиши аниқ. Бошқача айтганда, бу анжуман турли қитъалар, мамлакатлар халқларига мансуб бадий жамоаларнинг фольклори, миллий куй-қўшиқлари, ўланлари тимсолида башариятни тинчлик, тотувлик, бағрикенглик, инсонпарварлик, маънавий қимматли йўлда бирлаштиришга хизмат қилади.

Мулки Турон қадим-қадимдан бахшилар, оқинлар, шоирлар, манасчилар, жировлар, узанчилар юрти сифатида довуқ қозонган. Мен шу юртда эътибор бериш, қозоқ оқини сифатида танидим. Ҳаётим, фаолиятим давомидан кўнглимда бир орзу, ниёт бор эди. Шу юртда яшайдиган ўзбек, қозоқ, туркман, қирғиз, тожик, қорақалпоқ, уйғур ва бошқа халқлар вакилларидан иборат бахшилар тез-тез учрашиб турсалар, диллашиб, тиллашиб, ўзаро айтишувлар қилиб турсалар, қандай яхши бўларди, деб ўйлардим. Орзу-ниятларим амалга ошди. Термизда нафақат мулки Турон бахшилари, Ер юзи фольклори намояндалари учрашди. Бошланган ишлар хайрли бўлсин. Бахшилар эзгулик куйчилари ҳисобланишади. Эзгуликка хизмат қиладиган бундай анжуманлар ҳам давомли бўлсин.

Самарқанд шаҳар, «Богдод» қўчаси 4-уй, 41-хонадонда яшовчи Нарзуллаева Махсуда Ахроровна номига берилган қандастр ҳужжати йўқолганлиги сабабли БЕКОР ҚИЛИНАДИ.

"Adolat" ижтимоий-сиёсий газетаси жамоаси тахририят ходими Зарафшон Қаландаровага отаси Матяқуб ҚАЛАНДАРОВнинг вафоти муносабати билан ҳамдардлик билдиради.

Донолар китоб ҳақида

Инсониятнинг бутун ҳаёти пайдар-пай китобда манзил топди: қабилалар, одамлар, давлатлар йўқ бўлиб кетди, китоблар эса қолаверади.

А.И.Герцен

Ҳар куни жаҳоннинг энг донишманд кишилари билан мулоқотда бўлишдан кўра қимматлироқ нима бор?!

А.Л.Голтой

Китоблар донишмандликни ёйиш қуролидир. Я.Коменский

Китобдаги қувонч ва изтиробларни ўқувчи ўзиники деб қабул қилсагина, ўша ҳақиқий асардир. Ҳ.Шошимова

МУАССИС:

Бош муҳаррир: Ислоҳ ҚАМРОЕВ

Бўлимлар:

Партия турмуши ва парламент фаолияти бўлими — 71 288-46-54 (149); Котибият — 71 288-42-14 (144); Ахборот, ҳуқуқ ва ҳатлар бўлими — 71 288-42-12 (144); Қабулхона — 71 288-42-12 (141) факс; Реклама бўлими — 71 288-42-14 (144); 90 900-72-15

Навбатчи муҳаррир — Дилором Маткаримова

Навбатчи — Бобиржон Тунгатов

Газета Ўзбекистон Матбуот ва ахборот агентлиги томонидан 0018 рақами билан 2006 йил 6 декабрда рўйхатга олинган. Қозоқ бичими А-2. Ҳажми — 4 босма тобов. Офсет усулида босилган. Буюртма Г — 400.

«Шарқ» НМАК басмахонасида chop этилади.

Корхона манзили: Тошкент шаҳри Буюк Турон кўчаси, 41-уй.

Аааа — 3448

Босишга топшириш вақти — 24.00

Босишга топшириш — 24.24

Баҳоси келишидан нарҳда

1995 йил 22 февралдан чиқа бошлаган

Тахририят манзили: 100043

Тахририят тумани «Шарқ тоғи» қўчаси, 23-уй

info@adolat.uz adolat@uz@mail.ru

Тахририятда келган қўғамалар тахрир қилинилади ва муаллифга қайтариб берилмайди.

Реклама материаллари учун тахририят жавобдор эмас.

Газетанинг етказиб берилиши учун оубуни расмийлаштирган ташкилот жавобдор.

НАШР ҚЎРСАТКИЧИ: 100

ISSN 2071-5217

4772041521004

1 2 3 4 5